

光緒江西通志

江西通志卷一百二十五

勝蹟略四

寺觀五

能仁寺在德化縣治東梁武帝時建舊名承天院宋仁宗時白雲端禪師住此元燬明洪武十二年重建宏治二年改今名崇禎七年巡道王思任修

國朝乾隆二年秋顯親王賜白堂雲靜四字五年

欽頒大清三藏經巡道李根雲知府施廷翰建藏經閣關督唐

英修山門齋堂咸豐間燬同治七年巡道景福修復

縣志

明危素能仁寺三門記江州城南隅有浮屠

東魏天平二年

沙門祖道鑿佛舍利其中貯以水精瓶

金銀鐵石

兩護惟護南唐李昇時軍帥威烈公何休通

作佛寺

號曰福聖朱遣曹翰取江州屠其城寺以舍利

所在獨免

於兵燹天聖間賜額承天沙門智聰大加修

葺尚書禮部郎中祖士衡實記之已而名師有若白雲

端佛印元鑑面感宏智覺皆相繼主斯寺號爲蒙林之
盛政和七年改曰能仁紹興十一年龍圖閣學士蔣璨
題其榜淳熙十四年有僧來自天台笑嘻怒罵類狂易
者人目爲風和尚一與僧智聰富民巨賈爲之興修
事具洪文敏公所爲記宋亡何公所施田在鄂之嘉魚
者田人因而有之寺僧祖印本中宗溥應辦訟於官府
弗直辨有弟子曰致堯始息田訟而額力造作人爭致
財縣鍾之樓藏經之殿煥然興復郡人李貴和施田百
有餘畝山若于畝今名曰福田莊致堯主寺事二十有
七年而退休焉至正二年行宣政院以南康沙門師嚴
學行清備選爲住持四方學者相慕而至乃修僧堂翠
寮百爾器備而居者始安郡人黃仁歲以穀三百五十
石貸諸田人取息以助寺僧惟惠經紀寺故所有田在
地口湖尾者六百有餘畝收粟以繼於是食租給矣仁
復以茶地若干及南郭思賢橋爲施而然鐙之費無復
屑求諸市人六年夏大風雷雨壞三門乃迺遷江至荆
門玉泉景德寺福祐倡施者出錢五千餘緡既還寺僧
德永亦以五千緡與師嚴之徒宏教購對之良材於荆
得檜柏四百餘株以七年九月庚申經始中爲屋五間
東西各四間規制雄壯倍加於舊官府民庶知師嚴之
公而能勤皆出錢助之九年夏丹腹贅鹹訖工使宏教
至京師求予記之師嚴之言曰吾佛氏之門曰三空無
相無願無解脫也謂頓空我法不滯法相不存所願耳
然斯亦曲垂方便欲其舍彼所滯深入一乘之門而已

若夫深造上乘十方世界一道場也十方世界一門也
十方世界一佛真法身也又有所謂三門邪余昔與師
嚴同客金陵知其清苦好修不自表
緣故因書其作門之役而并及之

龍池寺在德化縣甘棠湖北晉慧遠創宋紹興間重建
元末燬明洪武十一年興復景泰元年建毘盧寶閣藥
師燈塔并大雄寶殿成化二十三年又燬知府呂某倡
修正德三年復修

國朝順治十八年燬康熙六年知府陳謙清復舊址八年
修乾隆五十五年重修咸豐閒燬

謝志
縣志

舍利寺在德化縣治西北宋建炎二年太一禪師創元
燬明初復興成化四年復建後遷於南薰門明末燬

國朝順治四年重建咸豐閒燬尋修復

謝志
縣志

馬祖寺在德化縣仁貴鄉仁壽寺上唐道一禪師建

國朝乾隆年間重修

謝志縣志

清泉寺在德化縣仁貴鄉山麓有清泉因名晉慧遠創

元燬

國朝順治四年僧願惟重建

謝志

白泉寺在德化縣大孤塘有白泉井因名順治間有老

僧妙光日誦法華焚薪示寂眾爲建塔

謝志

江磯寺在德化縣仁貴鄉去縣治四十里晉建

國朝順治六年重建乾隆六年僧續鼎再建殿宇咸豐三

年燬八年重修

縣志

海天寺在德化縣龍開河岸明正德間副使馮顯築隄

建寺嘉靖間主事鄒輓建樓於後扁曰山水之間

謝志

龍泉寺有二一在德化縣仁貴鄉山麓晉慧遠建元燬

明初僧祖觀重建

國朝咸豐年間燬僧曉然復建一在赤松丁家山明萬厯

閒僧月空建

謝志

縣志

國朝董裕詩無意得佳處

菓甜山色清泉印道心琅玕載福地四望少塵侵

圓覺寺在德化縣仙居鄉駱家嶺晉慧遠建宋學士李

述祖重建明洪武八年又建

謝志

多佛寺在德化縣仙居鄉城門山內晉慧持建明正統

復興今燬

謝志

高良寺在德化縣甘泉白鶴之界晉慧持建明初復興

謝志

圓通寺卽崇勝寺在德化縣甘泉鄉石耳峯下南唐李

後王建賜名圓通宋乾德二年復興

國朝乾隆二十年火僧眾重建

謝志

縣志

牛蘇軾詩

下月臨泉此生初飲廬山水他日徒參雪竇禪袖裏寶
書宿未出夢中飛蓋已先傳何人更識結中散野鶴昂
藏未見仙彭汝礪詩丈室鈴寒夜未眠竹間流水聽
消涓試看石耳峯頭月何似雲居天上圓王十朋詩
夾徑森森鬱老松煙霞深處忽聞鐘虎溪水隔侯溪水
馬耳峯連石耳峯遺像人猶思後主詩嚴莊履山南去
僧不畏先鋒龍醢醢洗醢醢紅祖訓明朝杖履山南去
噴沫飛流看玉龍明朱維京中元夕園通對月詩明
月天空響瀑泉千山寒色動鐘煙不知身世今何處疑
在銀河星斗邊萬丈芙蓉接玉樓孤峯雙挾兩湖流
漢王坡上青天月時見仙人控鶴遊萬景秋山紫翠
重長空匹練挂芙蓉青蓮生後氣流盡誰到匡廬第一
峯國朝熊一瀟詩不用扶筇得得來老禪邀
客上花臺凭欄指點雲煙幻十二峯頭玉作堆

天池寺在德化縣廬山之巔寺內左右二池不涸宋嘉

定閒建寺右有塔矗出雲表宋韓侂胄造元燬明洪武

六年復建覆以鐵瓦有太祖御製周顛碑賜銅鐘象皮

鼓烏金太子像長六寸餘及三銅佛

國朝雍正八年燬太子像存乾隆四年復建咸豐年間燬

謝志

縣志

宋黃大受詩三年落星渚北望天池山

臨風

浩嘆

欲往無飛翰今朝復何朝陟此青雲端高

尋已

奇絕

俯瞰何其寬西窮濂溪源東盡潞城關渺然

滄波

外淮

山碧連環我意殊未極更思出塵寰何當駕

輕鴻

入表

須臾開視此長江水滔天墮西還黃文雷

詩始

從平

地望宛在九霄中不意身能到平生心併空

江淮

通好

雨日月會剛風三伏涼如水蟠拏思白龍

孔武

仲詩

我思廬山遊發興自年少偶來得閒侶更欲

窺眾

妙幽

林穿蒙龍背峯上峻峭遙看天池路一綫在

巖微

幸勤

得至此慘寂已西照雲池挂無根路一綫在

掉暮

夜煙

雲昏西巖亦登眺聖鑰稍出弄影何窮窈窕

一技

分百

點變態不可料須臾歸寂滅何處覩朕兆懷

房得

栖宿

爽氣冰毛竅翻然亦興盡卻恨歸途寫緬懷

道隆

師確

不奉明詔似與山間石殷勤論人夢我今來

時迫

灰塵

真可笑明朝指瀟谷裏足登涼輪指御壁上

名恐

爲高

人笑明高破指瀟谷裏足登涼輪指御壁上

幽度

嶺遲

老僧不識使君誰門開紅葉林間寺泉浸青

山石

上池

殘果已收援食少枯松欲折鶴巢危壁間不

用題

名字

無限蒼苔沒舊碑李夢陽歌盧山絕頂天

池寺

鐵瓦

爲堂白石柱傳言周顒勞聖祖天眼尊者同

顒住

險絕

下嶽無底壑屈曲穿緣惟一一路頃屬秋晴強

攀陟

俯視

四海生雲霧銀蟾耀西向我杳杳長江但

東注君不見寺東崖石鐫竹林穹碑御製山之岑周顒
胡不留至今周顒胡不留至今虎巖日暮愁人心沈
章詩竊栗援雛戲法幢天池中劈石門雙溪山不是無
燈火解借飛蛾夜觸窗王守仁夜宿天池寺詩昨夜
月明峯頂宿隱隱雷聲在山麓曉來卻問山下人風雨
三更接茅屋天池之水近無主木魅山妖競偷取公
然又盜山頭雲去向人閒作風雨羅洪先詩顒仙丹
成獻明主半留天池人莫取出岫常爲一片雲有時解
作千峯雨王世貞詩使君五馬一踟躕爲愛匡山勝
不虛亭出御書天子障水成仙樂聖僧廬微陰液雪瑤
時破寒色留風纖白如未有勝才同謝監將分佛地卜
吾居張位詩千仞天風透客衣閒雲淡月靜相依欲
邀五老談塵劫坐巍巍示息機張元怵詩竹林苔
徑隱松蘿恰喜顒仙振履過共倚青藤穿錦谷遙看白
練瀉銀河空山木葉春猶少遠寺鐘聲晚更多一笑與
君同此夕夢回蕉鹿竟如何國朝張秉鉉詩清淨招
提挂碧天萬峯嵐影擁階前四仙風御板金竹五老雲
行渡鐵船梵響竟從霄漢落燈光時雜日星懸清泓誌
濯消塵慮遊屐飄飄覺欲仙

仰天坪寺在德化縣廬山極巔明萬厯開建謝志

社日送雪影上人之廬山仰山坪詩霞鶯原鴈不飛空
梅花亂入柳條風五株攀折當春社今日陶潛送遠公

春在沅陵午夢賒煙生楚樹便爲家
澗湘雪後逢寒食又向鑪峯散鉢花

大林寺在德化縣廬山嶺有上中下三寺上寺創於晉

明正德閒修中寺在錦澗橋北晉慧遠創明初重建宏

治閒修下寺在錦澗橋西唐太和閒建明宣德閒修

縣志

唐白居易遊大林寺序余與河南元集虛范

陽張九中南陽張深之廣平宋郁安定梁必復范陽張

時東林寺沙門法演智滿士堅利辯道深道建神照雲

高恩慈寂然凡十七人自遺受草堂歷東西二林抵化

城憩峯頂登香鑪峯宿大林寺大林窮遠人迹罕到環

寺多清流蒼石短松瘦竹寺中唯板屋木器其僧皆海

東人山高地深時節絕晚於時孟夏月如正二月天山

桃始華澗草猶短人物風候與平地聚落不同初到恍

然若別造一世界者因口號絕句云人閒四月芳菲盡

山寺桃花始盛開長恨春歸無覓處不如隨李補闕勸三

人姓名詩句與集虛輩歎且曰吁此地實匡廬間第一

境由驛路至山門智無半日程自蕭魏李遊迄今垂二

十年寂寥無繼來者嗟乎名利之誘人也如此時元和

十二年四月九日釋齊己詩九疊蒼崖裏禪家鑿翠

閒清時誰夢到白傅獨尋來怪石和僧定閒雲共鶴迴

任茲休去者心是不然友 國朝查慎行詩盤煙下層
青山背微負土陰陰日光滄漠漠風氣古寶樹壓橋低
一溪環菜圃香山舊吟地花往來宿莽廢寺亦荒涼半
閒川茅補孤清耐久坐客至何必至林靜無匿聲虛簷
應樵

黃龍寺在德化縣廬山之中以黃龍潭得名明初僧了

堂重建萬厯間賜藏經四十一函并舊刻藏經六百三

十七函滲金佛像西洋水墨羅漢

新志

縣志

明釋

微開千尺飛泉萬仞山月夜為誰歌白雪遙聞清響落

數千尺此身疑被阮溪流寬且長潭影動而清飛泉濺

我領過山猶水聲漸入漸無蹤若松與雲半萬株皆直

上曲木何由萌入林見精藍御扁題有明敕建自神母

結遠開朱萸一道護藏碑蛟龍拱雨經袈裟垂類婆錦

填丹靑年深彩色退神氣乃發生劫火焚天地撒封亦

顏領黃龍獨無恙故物猶充盈得非深山中阿彌趨百

靈勿輕見光怪恐使神鬼驚 柳文桂詩千峯環一寺

杖入白雲深色相依泉石松杉伴古今敲鐘聲

鹿夢聽雨起龍吟欲極登臨意披襟帶夕陰

金竹坪寺在德化縣黃龍山南一名千佛寺明皇太后

施滲金佛像送寺

謝志縣志

東林寺在德化縣廬山麓晉太元九年慧遠開創木料俱從池中湧出至今有出木池在彌陀殿側宋紹興間燬明洪武六年重修萬厯間興造神運殿淨業堂崇禎間豐城熊汝學督闕荊州府造金剛塔殿送寺扁曰以此報本

國朝順治十三年修五如來殿康熙五年修遠公影堂咸豐間般若臺鬼壘牆白蓮池虎溪橋三笑亭無量殿神運殿均燬唯王陽明遊東林寺歌碑刻存金剛銅塔

縣志

晉謝靈運東林佛影記大慈宏物因感而

接接物之緣流緒不一難以形檢易以理測故已備載經傳具著記論矣雖舟壑緬謝淨法猶在感運欽風日月淵深法顯道人至自孤洄具說佛影偏爲靈奇幽巖

嵌壁若有存形容儀端莊相好具足莫知始終常自湛
然廬山法師開風而悅於是隨喜幽室即考堂巖北此
峻嶺南映彪淵摹擬遺量奇託青彩意旨命余製銘以爲故
亦傳心者極矣道秉道人遠宣意旨崇大若北之北豈淺
刻石銘所始實山功被未有道宗崇大若北之北豈淺
思清學所能宣述事經祖謝永管罔己輒器竭方薄以
諸心許微猷祕與萬不寫一庶推誠心願感羣物飛鸞
有華音之期開提獲自拔之路當相尋於淨土解顏於
道場聖不我欺致果必報援筆興言請避其概羣生因
榮六趣牽纏七識迭用九居屢遷劇哉五陰卷矣四緣
徧使轉輪苦根連迤迤連未已轉輪在已四緣卷矣五
陰火起疊疊正覺是極是理動不傷寂行不乖止曉爾
長夢貞爾沈該以我師明成爾蒙智我無自戕貴承其
義爾無自爾必結其偶爲既殊塗義故多類因聲成韻
卽色開顏望影知易尋昔非難形聲之外復有可觀觀
遠表由就近暖景匪質匪空莫測莫領倚巖邱林傍潭
鑒井借空傳翠激光發問金好冥漠白毫幽暖日月居
諸胡甯斯慨留是望僧羅滅侯對承風道則曠若有慨
散國遺蹤疏鑿峻峯周流步闕窈窕房龍激波映暉引
月入窗雲往拂山風來過松地勢旣美像形亦篤彩淡
浮色羣視沈覺若滅若無在攀在學由其潔精能感靈
獨誠之云孚惠亦孔積嗟爾懷道慎勿中陽弱喪之推
岡提之役反路今觀發蒙茲觀式勵厥心時逝流易最
銘靈宇敬告震錫 唐李演東林寺遠法師影堂碑天

之高也日星垂其耀地之厚也山岳鎮其維人資三才
之靈挺五行之秀粵有邁德宏域融神惠境焯迦羅之
絕照挹甘露之元津配名岳而永崇晞扶桑而不息則
慧遠法師其人也法師雖門徒頗賈氏釋道安之門人
其英姿朗韻清行素節詳諸舊碑及張氏傳因發抒前
秀昭鑒令聞友心士骸而神機天發金口木舌而法音
雷震無取無捨而律儀冰澈不生不滅而禪性暉如抱
德陽和而浩類沈心潛靈淵沼而遠方翹首修不共法
而常軫大悲薰般若智而富諸梵行故能訪納聖善沙
汰羣疑萬流仰海而同歸一雨施物而咸潤可謂阿摩
勒果實從中生分陀利花性非外染矣自晉氏太元年
法師始飛錫南嶺宅勝東林世更七代年垂四百流芳
遺潤金鏤玉振當一時之美虎溪爲釋氏龍門絕千載
之風匡阜振指紳闕里皇唐貞元十有一祀江州刺史
馮翊嚴公士良乘明德以分符宣中和以述職上贊緝
熙之化下臨擊壤之人以無爲政克用其民巡撫外野
指迷中林敷社禪關式瞻遺像喟然嘆曰斯民也寒暑
不能易其芳斯德也江海無以餘其極彼琅玕行鐵節尙
崇植楹廡正位居室瞻尊美若茲而隅形在壁俾珍儀
掩翳清光不曜豈悼德允元之旨乎乃與寺之上首照
怡律師圖之將構勝宇且示寶相律師久儲於懷果協
其素旌美樹善二謀同心悅徒勸工成之匪日續雲翼
其雲得元珠於意表豈止惠義攝英姿而雨汗仲堪仰

素風而心醉哉故非夫遠公之志德不能詳聖文服秀
民非夫嚴公之澈識不能立清祀揚妙軌象芳金石敬
贊二美銘曰粹靈純綸是惟至人含德揭曜升陽發春
道光海域幽遊嶽濱六髦棄蔽八士辭巾緣徂物謝述
留事往百億神遊恆沙化廣昭昭遐軌冷冷未響慧日
凝睇白雲翹想曠哉明牧遠味芳風思覲遠像求之列
瞻爰構棟宇式是道宗旌休垂洪地久山崇李肇東
林寺經藏碑釋迦者流有十二部經猶儒之易詩書禮
樂春秋皆立言垂教之本儒無文字則天下久已大壞
三藏之說不行西方聖人之教幾乎息矣若聲聞乘之
四諦門緣覺乘之十二因緣門菩薩乘之六波羅密門
以至佛乘之一切種智生而知之則已學而知之者向
微斯文是必懵然不自知其術也人主擅萬乘之權富
有四海至於生死報應之際常必瞿然有生之徒奔走
之不暇實由斯言之烜赫而致化夫塔廟莊嚴之爲像
教其用大矣佛有天龍大會未嘗不以契經爲事佛滅
後大迦葉召千羅漢結集法藏阿難傳焉西土以胡文
紀之謂之梵書科斗文字之類也著於貝葉謂之梵夾
殺青爲簡之類也後漢天竺人摩騰始至中國出其文
四十二章翻爲隸書其後稍稍不絕至晉沙門法護倫
遊西國達言語之不通者究三十六書之體而還梵書
之詰訓音義然後大備雖爲道滋廣而難能亦甚蓋以
事生六合之外教出五常之後時人無能知者小則誤
於文句大則失其宗旨道安常嘆釋經有五失本三不

易故信奉之代亦以名臣佐而成之自漢永平至唐開元祖述之士凡一百七十六人有桑門之重譯有居士之覃思有長老之辯論有才人之撰集校其經律論傳記又集刪改之惣五千四百八十八卷號爲寶錄其中貞觀法師元奘作居多五分其數有其一其爲該博首出前輩而歷代精舍能者藏之方之蘭臺祕閣而不繫之官府也五都之市十室之邑必設書寫之肆惟王公達於眾庶靡不求之以至徵福祐患難嚴之堂室載之舟車此其所以浩瀚於九流也廬山山岳之神秀而東西林爲海內名刹有惠遠道安之遺風四百餘年鍾磬之音不絕然而三藏經論闕而無補元和四年雲門僧靈澈流竄而歸棲泊此山將去言於廉問武陽章公公應如誓往年公夫人蘭陵蕭氏終有叙梳佩服之資而於荊州買良田數頃收其租人以奉檀施至是取之增以清白之俸而經營焉爰卽洪州諸寺雜理其事珣函飾軸積業磨墨僧謀而吏書皆往而寒就先命度地之宜以園建置默設規制懸成劍剎乃結構而浮於江以至於東林施爲殿堂用尊祀藏得浮屠大德義形爲之主受持灑掃者七人以備名山之闕而資學者之求公之素志爾初彤公受具於廬山浮屠寺嘗討大藏惡其部帙繁亂將理之不可遂發宏誓四十餘夏果得至焉於是搜遠近之逸函墜卷日在辭亡者得之互文合部者兼之斷品獨行者類之木同名異者存之以僞亂真者標之又病前賢編次不以証疏入藏非尊師之意并開

元庚午之後洎德宗神武孝文皇帝之季年相繼新譯
大凡七目四千九百餘卷立爲別藏著錄七卷以條
貫之合開元崇福舊錄惣一萬卷舉藏以志函隨函以
命軸微塵句偈如在常中然後金口之說流於娑婆者
盡在於茲山也五年章公薨七年博陵崔公以人和政
成憫默舊績由是東林以遺功得請衆刻之盛其成公
故家府從事李肇爲之文曰多羅之教神道不測迦葉
成之布西域兮毘尼之用其法翼翼優渥受之垂作則
兮阿曇之文演暢宗極茲芻龍象甚奇特兮三者之德及
傾如轡墨王公大人爲之飾兮韋公之績崔公之歷劫十百
茲寶藏何則劣兮崇崇形公合發願力傳之歷劫十百
億今鑑峯之北靈壇之創系之迦陀金石刻兮白居
易東林寺經藏西廊記元和初江西觀察使韋君丹於
廬山東林寺神運殿左甘露壇右建修多羅藏一所土
木丹漆之外飾以多寶相好嚴麗都諸鬼功雖兩都四
方或未前見一切經典盡在於內蓋釋宮之天祿石渠
也初藏既成南東北廊亦具獨西未作而韋君逝迨今
十餘年風日所飄燥雪雨所霑溼西南一隅壞有日矣
僧坊眾惜之予亦惜之非不是圖材力不足暨十三年
予作景雲律師塔碑成京雲弟子饋絹百匹予以法施
淨財義不已有卽日移用作藏西廊因詰寺長老演公
滿公琳公等經之寺綱維令果靈達等成之蓋欲護前
功償始願非任於布施相功德心也其集經名數與創
藏由緣詳於李肇碑文此但書新作西廊而已張又

新東林寺碑陰記北海守李公文人之雄書品之能者也開元十年作東林寺碑手筆一軸俾模而刊石藏於寺者凡百一十三歲僧之思居者不啻大千數未始有議建賢者澤雲皋本謝氏子讀書爲文將就鄉舉進士遇明師悟寂滅之樂因究頭就學遂僧於東林且有年矣一旦視碑卷歎曰遠公之名德振千古東林之聲籍冠宇內而是詞是翰記其所由然誠天下之妙絕山門之光大儒釋之美談也宜乎始至而揭諸顯俾文士名僧趨響之不暇是何卷於座中踰百載莫石莫刊將焉用僧乎僧門一士也一杖一屨足以歷岵嶮一鉢一衲足以了朝夕不著不繫視千萬里若尋丈開遂襲足道途東西南北募緣以成其事會河東裴公自中書舍人開廉府於鍾陵敷文行政教之餘得六度三乘之秘問舉志願亦垂信施因自染翰贊列簡秩名氏於卷末又有以增名迹重爲光也舉乃得模而刊於碑會昌三年四月磨礱既成遂光遂平錫之磴礎大泉呈如蛇如龍如飛如行如飭玉在漆如元穹列星立之亭亭弗似弗傾於寺之明余時刺茲郡因減俗緡屋其上且嘉舉建志不苟古人云智過千人謂之英舉之有決補遺事之智有喻焉辛苦以成其智之實過於百一三年慰居之僧遠矣庸不謂爲僧之英乎故記碑之陰崔黯復東林寺碑佛之心以空化執智化也以福利化欲仁化也以緣業化妄術化也以地獄化愚劫化也故中下之人聞其說利而畏之所謂救溺以手救火以水

其於生人思亦宏矣然用其法不用其心以至於甚則
失其道蠹於物失其道者迷其徒蠹於物者覆其宗皆
非佛之以手以水之意也爲國者取其有益於人去其
蠹物之病則通矣唐有天下本以結人心其道甚繁幾
爲一而持事之臣不以歸元返本以結人心其道甚繁幾
中下於是天子取益生人稍復其教通而流之以濟
樹風光重天蠅鳴詔余時爲刺史前訪茲地松門以
時往至是即喜而復之民物之困不可殫賦得舊館正
言問能復東林乎曰能即斷其髮佳而勉之又命言擇
其徒得二十九以隸其下皆心生效力完脩殿相用言則
隨才賦事分命告復所至響應下虔江之木始食訪工
陶土治鐵匠成於心授規於手日而不登雨而不屐爨
飯炎湯優摘執藝若殿若庫若樓若廚激飛泉而注於
塔若調若食若客之館若庫若樓若廚激飛泉而注於
鵲鎔之閒若梁蛟於武若亭臨於白蓮若僧之房若聖
之室若突棟勝若御居幽奇可不尋雅不出位則爲閒
三百一十三爲架一千八百七十六爲楹爲梁爲棟爲
桷爲牖爲閭爲屋之事數爲級塹爲蓋瓦凡役工合六
十五萬三百二十人綱緹端明嚴若爲刻石之文且曰
月十四日言命以圖及其備錄訪余爲刻石之文且曰
自遠公至今若干歲而傳法之地滅矣賴君復之君宜
主書其事余則曰復之者上也至其事而書之於言公
不辭余嘗觀晉史見惠遠之事及得其書其辭若注其

言若鋒足以見其當時取今之所謂遠師者也吾聞嶺
南之山峻而不秀嶺北之山秀而所謂遠師者也吾聞嶺
與秀兩有之五老窺湖懸泉墜天杭香葉靈鳥閑獸善
煙嵐之中悅有絳節白鶴使人觀之而疑慘焉陽爲四方
金陵六代促時薄臣以功危主以疑慘焉陽爲四方
之中有江山之美惠遠豈非得計於此而視於時風邪
然驚者搏羶美者拘素前人不暇自歎者多則遠師固
爲賢矣是山也以遠師更清遠師也以是山更名暢佛
之法如以曹溪以天台爲號者不可一以是山更名暢佛
以遠三相挾而爲天下具美矣今言師感佛之法推遠
之心修廢之勤任其事不宰其功讓功於某何能言之
余何能言之績也讓功於某何能言之績也讓功於某何
也讓功於某何能言之績也讓功於某何能言之績也
以化施皆曰某何能言之績也讓功於某何能言之績也
言推與讓至於是何能言之績也讓功於某何能言之績也
也移之於邦國之理而何故不成哉固始終一致者未之
猛起刑戮不加仁義不止有得佛心則滅諸熾怒號羣波
生性以悟理不獨養己表我同峯矯矯惠子梁以崇山津
可用理人不獨養己表我同峯矯矯惠子梁以崇山津
以江水不爲不獨養己表我同峯矯矯惠子梁以崇山津
正言勤以克肖四五年來休功再紹推能與類以言
妙不曰良能孰此要山川不改舊物復新誠汝其徒
誕將又淪宋黃庭堅東林寺藏經記曰元豐三年夏
四月提點寺務司言大相國寺星居院六十區院或有

屋數楹接棟寄欄市井犬牙庖煙相及其風火不虞請合
東西序爲僧舍入區以六爲律院以其二年七月落成
可之賜祠部度僧牒二百給其費其六年秋七月落成
賜兩禪院名其東曰慧林其西曰智海尚書禮部言淨
因院僧道臻奉詔選舉可住持慧林智海院者今選於
四方得蘇州瑞光院僧宗本江州東林寺僧常總詔所
在給裝錢上道聽乘驛於是常總公天下大禪師門人常
奉詔禮部以問詔勿奪其志總公海以天擇也禪林之
數百或千師人方京師虛慧林智海公道俗傾動相與謀曰
第皆願其師得之及總公不出而道傾動相與謀曰
吾師不肯爲西用又將棄東林而追之於窮山凡可以
安總公者皆盡心力爲之於是能者致力巧者獻工富
者輸財吝者盡心爲之轉輸年之開爲夏屋千楹其廢則自
有記最後度爲轉輸蓮華經藏屋未及成而遣其徒永
邦來乞予記見邦之爲藏經屋其材無二子以謂能成
是正版藉積書如山盡歷邦邦手如數一外吳而不來用
總公所商度無疑也予問邦夫歸之無極此其故何
哉邦之言曰蓮華藏世界非人物力歸之無極此其故何
薄木龍鳴於川大雲垂空若有召之者而不知其來從
來吾師之道芒乎味乎物故萃乎應之曰如總公之
不應詔而西也似若有謂未必眞其妙處然而來者芸
芸豈眞知者邪子勉之經檳猶在寓舍及其門人思度
某月旣沒總公之世而經檳猶在寓舍及其門人思度

時邦與後來主事者相參有不合因謝去久之度來告
曰轉輸藏及藏殿今有六乞士發心猛烈始將化成惟
是藏經者邦有勛焉而先師之手澤也願終先師之志
刻石紀之黃庭堅曰方總公盛時化蝶穴蜂房爲廣夏
百區何其易也比其晚節末路度成一經藏而身不及
見又何其難也所謂強弩之末不能穿魯縞行百里者
半九十者乎抑粉而有者其成壞自有數當成於度之
世者雖總公亦不得而力雖有大檀越不聽增一草蓋
餘百年而後遲華門之下雖有大檀越不聽增一草蓋
知三界一切法衆生諸煩惱卽是道場堅固法在此不
在彼邪 晉釋慧遠廬山東林郭詩崇嚴吐氣清幽岫
棲神迹希聲奏羣籟密出山溜滴有客徇冥遊徑然忘
所適揮手撫雲門靈閣安足闢流心叩元扃感至理弗
隔孰是騰九霄不奮冲天翮妙司趣自均一悟超三益
唐李頎詩草堂每多暇時謁山僧門所對但羣木終
朝無一言我心愛流水此地臨清源吞吐山上日蔽虧
松外邨孤峯隔身世百衲老寒暄禪戶積朝雪花龕來
暮爰顧余守掛存十載隱田園藉篠憇春汲巖潭恣討
論洩雲起知限至道莫探元且願敬關鎖於焉微尚存
預作期寺寒三伏雨松陰數新枝翻譯已到終嫌晚重遊
滿池李白詩我尋青蓮宇獨往蒲城關霜清東林鐘
水白虎溪月天香生虛空天樂鳴不歇晏坐寂不動大
千入毫髮湛然其真心離絕幽出沒 又詩東林送客

處月出白琅啼笑別廬山遠何煩過虎溪
向晚雙池好初晴百物新裊枝翻翠羽
汎同遊子蓮開當麗人臨流一惆悵還憶幽江春
詩後集寄將何處去故山遙遞在匡廬舊僧獨有雲
在三二年來不得書別後道情添幾許老來筋力又何
如來生緣會應非遠彼此年過七十餘
東林澈上人詩并序澈公近以匡廬七詠見寄及吟
之皆麗絕於文圃也此七詠者仰予益發歸與之興且
芳時房侶卜遊於三二道人必當攀躋千仞之峯觀九
江之派是時也雖然而去不希京口之顧默然而遊不
假東門之送天地爲一朝萬物任陶鑄夫二林翼翼松
還幽邃則何必借足於丹霄馳心於太古矣偶爲思歸
絕句詩一首以寄上人法友幸先達其深趣矣王事紛
紛無暇目浮生冉冉只如雲已爲平子歸休計五老巖
前必共閒
孟浩然詩江路經廬阜松門入虎溪聞君
尋寂樂清夜宿招提石鏡山精怯禪牀怖鵲棲一鑑如
悟道爲照客心迷
章孝標詩山勢峻層入杳冥寺形
高下趁山行象牙牀坐蓮花佛瑪瑙函盛貝葉經目
砌陰移寶閣風吹天樂動金鈴門前更有清江水便是
潯陽太守廳
杜荀鶴詩古寺沈沈僧未眠
說閒緣一溪月色非塵世滿洞松蘿似雨天花底水涵
鈔律燭窗閒風引負茶煙無由住得吟相伴心紫青雲
十五年
釋靈徹詩年老心閑無外事麻衣草坐亦容
身相逢盡道休官好林下何曾見一人
又詩古殿清

陰山木春池邊跋石一觀身誰能來此焚香坐共作鐘
峯二十人南唐擇貫休詩臺殿參差錦瑞煙桂花
雪水滿潺湲莫疑遠去無消息七萬餘年始半年
著眼紅神遠性曉辭天臥懶鳴肝解
殘雲淫耶舍孤墳落照遲歸鵲
山僧倚松睡恐人來取白蟻兒
霞多傍石結生蛇蛇行者今何在
愛高長官陶兀元送陸道士行遲
斯何人斯師如斯白蔞荷花露滴
濛田地在東林行事一點是何人
遠迹在東林行事一點是何人
空鎖影堂深入簾輕吹雁香印落
賢人消息斷蓮池千載月沈沈
廣長舌山色豈非清淨身夜來入
舉似人楊時詩寂寞松蘿自唱醺
我來欲問林間趣萬壑松蘿自唱
落尚憶高人寄此中晉代衣冠誰
風黃髮堅詩白蓮種出淨無塵千
律定知誰束縛過溪沽酒見天真
廬山千古一清風淵明豈是難拘束
朱子詩深尋兩林閒清波員華屋
非舊築修廊餘故刻好醺雜珉玉
人讀范成大詩談易緇經宰木春
客庠長隔虎溪水劫火不侵香谷

歸哉欣讀草堂文山頭一任天遠見箇事何曾落見聞

陸游詩看盡江湖千萬峯不嫌雲夢芥吾胸戲招西

塞山前月來聽東林寺裏鐘遠客豈知今再到老僧能

記昔相逢虛窗熟睡誰驚覺野碓無人夜月春王阮

詩并序遠公示寂識志云後七百年當有肉身大士革

吾道場晉義熙十二年八月六日也元豐三年先寒敏

公請於朝照覺總公崇成法席中儘野燒今復一新敬

賦古風仰致謝數并迹敷淺原注目香鑪峯飽問送客

溪鼎新古梵宮緬懷結社人豈止避俗翁一念熏戒香

千年仰元蹤蜂房始義熙風懸當元豐果有大士出一

與遺言同堂堂照覺師赫赫襄敏公微彼毘尼藏揭我

臨濟宗元曰立成佛坡曰僧中龍少林來於西雙林振

以東冥數其理暗野燒中宵紅天遣真道人夜役眾鬼

工幻出羣飛輦化威雷吼鐘神運儼若初佛法豈有終

余生慕真乘願力魂祖風再窺拈花座駭數折草功詰

不出門寂照涵虛空葉夢龍詩禪房倚樹鳥爭棲片

色冥濛霧漸迷曉起不知山路滑西風吹雨過前溪

元李洞詩風破西廊雨氣昏冷澗水竹間開山頭知

有靈仙過千丈通明五色雲明王守仁詩東林日暮

更登山峯頂高僧有蘭若雲蘿磴道石參差水聲深澗

樹高下遠公學佛御接儒淵明嗜酒不入社我亦愛山

泉自瀉月明壑底忽驚雷夜半天風吹屋瓦又詩昨

遊開先殊草草今日東林遊始好手持青竹撥層雲直
上青天招五老萬壑笙竽松籟哀千峯掩映美栗開生
俯西巖窺落日風吹孤月江東來莫向人閒空白首富
貴何如一杯酒種蓮采菊雨荒涼蕙遠陶潛骨同朽乘
風我欲還金庭三洲弱水連沙汀他年海上望藍嶺煙
際浮萍一點青熊汝遠詩寂寂山門隔虎溪輝輝佛
日樾林西僧來笑指香窠近定後猶聞梵鳥啼董其
昌夜宿東林寺詩偃息來林下悠然澹旅情泉歸虎溪
靜雲度雁天輕蒼苔封碑古優曇應記生預愁鐘鼓動
撥撥又晨征區大相詩昔讀高僧傳兼懷逸士蹤停
車虎溪水對面香鑪峯音殿丹青落荒池蔓草茸我來
松下坐日暮但聞鐘王慎中詩年來知靜理在世比
虛舟偶此同生滅因之任去留色空虛早起禪定虎溪
流已矣東林社長廊樹葉秋國朝徐元文詩松門隱
高寺仙梵近鑪峯澗外探龍窟溪邊蹕虎蹤經臺碧樹
合石磴白雲封縱展尋僧去遙聞幾處鐘影殿松杉
際齋田菑苗時到來應執息坐久客衣滋陶令當年蹟
顏公絕代碑蒼苔荒翠象外常得護雲裾王庭詩十里
尋山寺東林夜色微數椽居佛古一榻伴僧稀模字殘
碑在題泉舊井非栽蓮如可許客路欲何依金德瑛
詩出郭三十里息駕廬山陰喬木標古刹言是東西林
遠師負高名影堂傳至今雖面香鑪峯託足苦未深土
既志出世魚鳥同飛沈肯令軒冕革車馬來駸駸晉人
惟好事細流亦浸淫活活虎溪水難洗懸名心淵明不

降志自得絃外音慧遠弗之就反欲相逢迎我開栗里
石雲深不可尋李紱詩芊綿一徑穿芳草停車坐愛
溪山好六度東林三到門須眉半共滄桑老山川滿目
心爲哀此山生面公重開古來賢哲幾湮滅繼公高躅
誰當來虎溪一笑漫回首山僧昔釀陶潛酒蓮社荒涼
十八人慧業生天同不朽鐘聲日午開前庭田田荷葉
餘寒汀龍蛇破壁不飛去共爾廬山萬古青

西林寺在德化縣白鶴鄉廬山之麓晉太元二年太府
卿陶範爲慧永創建第一寺初敕賜太平興國乾明禪
寺隋開皇間重修唐宋累修元代兵燬明洪武十四年
復建崇禎四年重修千佛寶塔

國朝順治十一年古巖開法西林遂爲禪寺乾隆五十四
年寺圯僧際遠捐修咸豐四年燬十一年僧麓松重修

謝志縣志唐歐陽詢西林寺碑蓋聞不生不滅因
照偏知無去無來冥機虛寂言語既窮心行亦斷利見
鹿苑與捕誘之權倚述鷺山導汲引之路一音稱物隨
損得解三達教闡迷途自識慧日鸞幽法雨遐濟德暢

忍土是謂能仁然喻月譬鏡宜有隱顯髮髻宗極仰冀
圖鑄道冠域中金剛爲大故神塔湧見靈利相望先有
疊比邱俗姓竺氏本爲趙將知苦器之難安悟浮生之
易盡以榮利爲挂惜視名聞爲羈絆屏棄諂曉專修冥
寂虛舟觸遠津度罕禦元風獨弱息心無侶匡阜北嶺
地接層峯日月之所紫迴雲霧之所蒸液激白水於紫
霄照離暉於石鏡南瞻五嶺北睇九州貞遐忘歸幽棲
是卜法師秉心萃止負錫來儀樹宇山閒游情梵表及
遷卽化藉草巖閒有息慈慧永河內繁氏高足稱首人
師物匠儀無虛位理必淵渟服道御身宏善備物形性
兩忘充親等觀故異香入室猛獸馴階紹修宅業安禪
結宇晉光祿卿潯陽陶範蔡彼清聲遊茲勝地崇信正
道擁篲式闢爲出俗之藩羣僞入室之樹屢興建佛寺
締構伽藍指景瞻星鳩徒按日葺草開林樹卑架巖夷
峻築臺疏巒抗殿長廊鏡湖斜砌環池冬煖夏涼碧行
畢備命曰西林是歲太和之一年永公化緣將盡曾無
憂生之嗟冥照幽通豈若逆旅之舍其日山房晦寂創
塞橘花洞戶凝深鏗鐸音樂歡喜合掌奄然終謝年八
十三法師運載羣品舟梁大法翻刊蠡族咸知締向賈
遠法師德高人師道被幽冥能屈萬乘之尊申其再三
之敬相望江海獨在伊人言發響依契同符合自爾戒
定接式龍象咸泊感不虛至功有歸焉但年代摧薄寺
宇凋敝梁天監三年有恩律師聿來想止榆葺道場陷
氏握鏡天下文明慧達禪師太原王氏廓六度以爲津

構四禪以爲室世歸至德物仰高韻爲善終日匪懈劬
勞自東徂西興建佛事爰自金城至於淮水互陸遵渚
莫匪教門宅古栖空因心自遠虛室生白房櫳引爲四
部翹誠頭目頂禮禪師報云欲於道場營建七間重閣
勸募之侶咸百其誠以大業二年爰戒匠人匪日斯就
逶迤飛閣秀出于霄延袤層軒俯視無地鑪香與峯雲
共鬱鐘聲與幽谷合響有頃達公欲往長沙陵寫瑞像
及刻俊填王像卽輕舉扁舟俄而旋返所造法身光相
殊特勢超筌楷功踰琢磨丹腹競姿紫銑爭耀力雖人
就妙乃神輸大業七年達公寂滅次有東林道生法師
樹明因於往劫襲慧果於今生忘己濟物纂修厥緒寺
僧智正等以爲樹道風於長世詒德範於來業莫若勒
茲紺碣題以元碑寓言雕篆稽首作頌乃爲銘曰二儀
肇判萬品流形思愛頓懣紛靡甯三彰四倒瘳惑焦
明十纏九結龍尋相驚邇迴三界輪環四生慈流長鷲
薪火不停誰其拯物獨有能仁紆情緯識卽果明四開
方便門示彼元津雨大法雨洗滌深塵佛日雖隱宏道
在人爰有開士粵來萃止鏤述銷聲爲法忘己置思依
空求真得理異人載挺大法舟航希蹤祇樹標建道場
披榛翦棘抗陸浮梁切漢干霄含星浴日巖谷虛靜林
樹閒謐宴坐經行道糧權實法門無二義揆歸一縑駕
大乘終始竟畢像教有形取諸相質靈宇方固金剛不
遷希夷至道緬邇遐年須彌有盡法炬長然威恭尙讚
敬勒雕鐫白居易詩下馬西林寺脩然進輕策朝爲

公府吏暮作靈山客二月匡廬北冰雪始消釋陽叢抽
若芽陰寶洩泉脈照熙風土煖萬藹雲嵐積散作萬壑
春凝爲一氣碧身閒易滄泊官散無牽迫緬彼十八人
古今同此適是年淮寇起處處興兵革智士勞思謀戎
臣苦征役獨有不才者山中弄泉石又詩木落天晴
山翠開愛山騎馬入山來心中知不及柴桑令一宿西
山便回李涉詩十地初心在此身水能生月卽離塵
如今再結林中社可羨當年會裏人徐凝再歸松溪
舊居宿西林詩五粒松深溪水清翠山搖落月偏明西
林靜夜重來宿暗記人家犬吠聲南唐釋無可詩迢
迢喧暮色默思坐西林聽雨寒更盡開門落葉深昔因
京邑病併起洞庭心亦是吾兄弟遲回共至今伍喬
詩翠竹苔花繞檻濃此亭幽致詎曾逢水分林下清冷
派山峙雲開峭峻峯怪石夜光寒射燭老杉秋韻冷和
鐘不知來往留題客誰約重尋蓮燭老杉秋韻冷和
悄然無人聲但有一林月誰家鳴乳鹿萬籟盡不發蒼
髮指前路滿地鋪翠樾清露滴秋衣夜氣飛猿屑遙岑
有無中煙渺天空闊劍氣衝牛斗長嘯蒼崖裂山行二
三里詩腸思酒渴冷雲曳山腰暗水沈石骨勒馬過斷
橋枯木棲欲折枝頭驚鳥散草根鳴蟋蟀試問夜如何
孤篋啼不歇柴門自推敲殘燈更明滅回首古招提地
僻居窮髮紅裳照經幢紫殿開鎖闥題名墨未乾單上
龍蛇活秉燭出雲房古徑蒼苔滑黃鳥啼四更驚破梅
花雪劉仙掄詩路入康廬西復西翠煙深處著招提

山僧幾輩雲垂領水鳥數聲雪滿溪莫對青山談世事
且循粉壁看留題禪房夜臥衣衾冷夢破鐘聲落月低
蘇轍詩橫看成嶺側成峯遠近高低各不同不識廬
山真面目只緣身在此山中元稹惟則詩沈鬱難白
居偶思散遐躋拄杖登西林斷崖倚修竹崖上叢花開
飛禽自相逐崖下清川流水光泛嘉木四月風雨多平
野一時綠長嘯白日低煙雲起空谷俯視萬化閒勞生
亦何足明湯來賀詩寂寞西林寺香龕對翠斂虎馴
無故迹僧病掩柴扉黃道周詩鴻寶危劉向春秋更碑
可讀坐臥竟忘機
君豈應吾獨往恰與眾驂開夢蝶留雙寺
垂碑見斷文乾坤未破碎開掃五溪雲

崇福寺有上下二寺在德化縣廬山講經臺下上寺晉

慧遠創明僧性端修下寺宋創元燬明宣德閒重建

志
縣

臥雲寺在德化縣德化鄉去縣治三十三里宋時有僧
入朝太宗勘之曰朕聞臥雲深處不朝天僧無以對元

僧東巖復創

謝志
縣志

佛母寺在德化縣封一鄉離縣治三十里唐貞觀開創
元燬明洪武五年僧繼純重建

國朝康熙二十五年重修乾隆開圮尋修復

謝志縣志

化成寺德化縣有三上寺在講經臺下晉慧遠創中寺
在香鑪峯右隋開皇開建下寺在香鑪峯下晉建元末
燬明成化間重建

謝志

朱孔武仲化成院詩化成真化出絕險起朱欄直下臨無處江城

一掬看

登覽多清興衣襟有白雲松風不知際山籟坐中聞

圓明寺在德化縣南昌鄉晉建元燬明初復興

謝志

勝果寺在德化縣南昌鄉晉太元開創

國朝順治初百丈宗遠禪師復興咸豐六年燬

謝志縣志

林隱庵在德化縣廬山麓晉時建

謝志

普勳寺在德安縣西一里並塘唐天祐元年僧普頌建

初名澁溪院宋治平二年改今名元燬明洪武閒僧性澄重建

國朝順治十七年僧德浩修咸豐四年燬復修

謝志縣志

羅漢寺在德安縣南二里羅漢橋西楊吳順義元年僧志本建宋祥符改淨土院又名歸宗羅漢院元燬明成化閒重建

國朝咸豐四年燬

謝志縣志

陽居寺在德安縣南十里博陽山相傳何氏兄弟九人丹成飛昇有道童隨之從空墮落至今有墮郎峯神極靈驗禱輒應元代兵燬明成化閒復建

謝志

明陳洪濠詩春風拂雨

到仙臺孤刹幾堪隔草萊幽谷霧籠丹竈沒亂峯雲鎖碧霄迴花神總似童顏駐藥物還疑老衲栽不見九仙

尋浪迹何年
感遇謝塵埃

甘露寺在德安縣南二十里甘露山楊吳順義開立元燬明天順間僧正大重修寺門外古桂雙株

國朝王士正粵行三志云庵前後巨竹數百挺上摩雲日

謝志
縣志

精進寺在德安縣北二十里白雲山下楊吳順義七年僧了蘊建宋元祐間僧神輝修元燬明正統間僧宗清

重建謝志

無垢寺在德安縣北二十里高塘坂唐咸通三年僧良

遂建宋治平二年改爲無垢院元燬明成化嘉靖間增

修謝志

天逾北雲深日未西楚江愁處闕燕路望中迷今夕

眠真穩邊聲絕鼓聲王春詩利名無垢宮重登卻憶盤銘警未曾莫任山僧誇獨潔守官清白也如僧

寶積寺在德安縣西北二十里白雲山唐大中元年僧

慧芳建元燬明正統間重建

謝志

萬安寺在德安縣西二十里梓坊坂唐太和元年建宋治平二年改名萬安院元燬明永樂間僧宗通重建謝志積慶寺在德安縣西三十里南唐保大二年僧會通建元燬明洪武間僧智緣重建

國朝乾隆年間增修

謝志

芙蓉寺在德安縣西北三十里柵嶺唐咸通二年僧道明建初名芙蓉院宋治平三年改爲慈法院元燬明正統間重建

國朝道光九年僧淨月修咸豐元年僧妙榮重修

謝志

開化寺在德安縣西四十里南唐保大十三年僧則川建宋大中祥符間名宗興院又改開化院元燬明永樂

閒僧覺興重建

謝志

法安寺在德安縣北吳山南南唐保大十二年

謝志作唐大中

年二僧卯齋建宋大中祥符改今額元燬明天順閒重建

崇禎末僧性真修

縣志

悟真寺在德安縣西梅家壠唐大中元年僧智威建宋

紹興閒僧海會重修元燬明宏治閒重建

謝志

永清寺在德安縣西石潭邨唐大中八年僧法持建元

燬明天順閒僧道俊重建

謝志

天興寺在德安縣北六十里明洪武閒建

國朝順治閒僧成滿重修後圯同治八年復建

謝志縣志

廣修寺在德安縣北六十里黃坑南唐保大二年僧神

贊建宋元祐閒僧定保修元燬後戒僧性定重建

謝志

朝天寺在德安縣西北一百里道顏山明初僧瑞庵建

國朝順治九年僧了悟重修

謝志

布金寺在德安縣西北桑園宋建隆初僧善覺建名寶花院後改爲布金院元燬明僧性甯重建改名寺

國朝順治間僧渾然增葺乾隆間僧空明修

謝志

安福寺在德安縣西北一百一十里永泰源唐大中二年僧秀谿建初名安吉院宋治平改今名元燬明永樂初重建

國朝道光十五年重修

謝志

東山寺在瑞昌縣治東一百五十步宋嘉泰

一作開建

明洪武六年重修正德十二年復建萬曆三十八年邑

人余有慶增修東有古井

謝志

利澤寺在瑞昌縣治北通江

一作銅岡

嶺晉太元間建

謝志

四峯寺在瑞昌縣安泰鄉四峯聳列映帶清流宋元祐

間建

縣志

淨明寺在瑞昌縣洪山宋淳熙間建明永樂初重修

謝志

多福寺在瑞昌縣界首保元末兵燬明洪武間重建

縣志

宋王十朋詩古剎名多福初來宿上方蜂窠懸板壁燕壘毀空梁蝙蝠伏盈室座埃堆滿牀香燒數劫柏移下小僧房又蜀道青天手可摩肩與從此上危坡水城朝過日方永多福夜眠僧不多岡畔泥深愁又雨渡頭舟小喜無波青山滿眼生喬木只爲人稀少斧柯

五乳寺在瑞昌縣治慈山清禪師開山

國朝巡撫蔡士英重建

謝志

普濟寺在瑞昌縣下築湖建自東晉元末兵燬明洪武間僧碧宏建宏治間僧智春修

國朝同治十年重修

謝志
縣志

南禪寺在瑞昌縣治北五里宋慶曆五年建有小塔或

曰普遠法師卓錫處歷久圯明崇禎閒潘震龍感夢修

葺

謝志
縣志

國朝文德翼碑記普遠法師棲止廬

間皆其弟子精舍瑞昌南禪寺其一也寺久而廢殘僧

守之崇禎庚午秋泰和學博潘君震龍時向爲諸生一

夜夢偕募衣他日適市遇南禪師所化地藏王菩薩將

鐫路立遂悟曰疇昔之乞上得母是乎乃重葺之又

既然曰有像也無以居之奚可於是盡發其家所藏不

下五六百金購良材特建巍然遂爲名招提且當取棟

呼祝蒼黃開家承報產一子於是環觀者皆合十讚歎

曰是希有事菩薩神通也迄今壬寅已三十有三年矣

學博君久下世而所產子亦類童鳥其猶子道登向余

泣曰先伯父雖未免周周之有妻亦近方王珣之捨宅

敢假先生一文俸後世尙知先伯父姓名遠法師蓮社

眷屬猶未散也余欣然許之爰同出邑北郭山道遙而

溪潺湲望小塔湧於古樹新篁之際者卽其所也僧俶

浪出迎具茗供坐談久之乃歸歸翌日憩潘子家齋頭

念是寺之淨土可依而學博公之慧業難泯也於是乎

記之且系以詞其詞曰廬山之下有聰明泉徧地岳出

數百里間各立莖草分身現焉彼雁門僧又唱南禪
目視伊固不可詮載闕其室載開其宮繡葉於幢雨花
於峯應夢尊者不言而通以無爲法作無爲功白蓮未
隱如在林東試問瓣香大宗小宗釋戒顯詩最愛南
禪靜傳聞創遠公煙塵山市隔鐘磬暮堂空古木
浮雲外孤亭落照中醉心蓮社友燈火話無窮

金盆寺在瑞昌縣南三十里寺踞秦山巔喬松修竹匡

廬長江望之如在目前寺前一泓瑩淨因以金盆號之

後成池寺旁猶存或曰金吾將軍故址

謝志

梵羅寺去金盆寺五里玉茗千樹碧筠萬竿寺西北下

懸古洞號曰芒泉

謝志

國朝文德翼詩山徑紅香積吹來十里衣猶驚春鳥在不見老僧

歸臥榻苔痕盡荒密竹籊稀石林尋舊隱何處望清暉

柴禪寺在瑞昌縣西南十五里黃茅山

謝志

國朝文

年別黃山一徑通安禪依石榻題字象籊宮麥浪吹偏

好花叢隱更工煮茶閒坐久心迹覺雙空釋戒顯詩

寺隱黃茅麓誰知仄徑通足窮樵子宅心喜梵王宮

怪石雕鏤古奇文繪篆工夜深鐘磬寂无生萬緣空

筋竹寺在瑞昌縣筋竹堡晉時創明宏治間修謝志

禪巖寺在瑞昌縣西耳峯縣志曰都源源之水西行十

五里乃折而復東入瀼溪源之山東行行未五里忽折

而西拔而秀出者曰耳峯自耳峯迤邐而下十里復行

十里而近又別爲一支曰烏岡山行十里二十里而近

皆西乃折而或南或北糾亂嶺紛不可繩準耳峯之開

面勢烏岡者曰禪師之嶺父老傳言古有禪者三目坐

峯上蛻去峯下人神之聚而祠祀雨暘時應歲輒以雄

雞置其上報之祠壇而不屋雞棲不去亦卒無毒蟲鷲

禽猛獸之傷宋元間峯下有庵依庵有泉旁時茶蔬開

樹菽粟甲申乙酉之際遭世亂僧散庵毀已丑春山上

鐘自鳴三日夜源之人具聞之夏五得二僧自楚來丐

居源人莫不曰鐘告之矣余曰嘻是豈豐山之和鳴者

邪蓋點者爲之不則物有馮焉父老皆曰公毋固吾儕

之與二僧薙荆棘聚狐兔以適於茲也鐘臥上中草腹

苦顚蟻路蜂房縱橫其上藉之以草者之以泉浸感故

聲啞者方言公毋固余語塞乃召僧而告之曰都源瘠

鄉也居士避地將六七年出無下澤之車入無旋馬之

堂爾欲得志於儉歲能乎二僧曰鐘聲之外則不敢知

鐘聲之內山有木木施陶有瓦瓦施固有粟粟施身有

筋力筋力施而居上能言言施五施具而庵且成余曰

嘻居士即能言恐不如鐘聲之鏗然而啗啖者之施遠

也已庵成將磨石
峯上與汝記之

烏竹寺在瑞昌縣西南四十里宋慶厯閒建元末廢明

萬厯閒重建

謝志

雙泉寺在瑞昌縣西二十里大瀆坂宋慶厯閒建明永

樂十四年修

謝志

海清寺在湖口縣上鐘山側本邑民李氏基後爲寺明

天啟閒僧明天擴修

國朝康熙六年巡撫董衛國重建

謝志

上鐘山寺在湖口縣南唐咸通元年僧雪峯創建名崇

壽寺宋隆興中僧守端重建改今額元至正二十三年

明太祖駐師南湖嘴幸本寺御書濟巖二字並賦詩宏

治中邑民夏清改立巖北之原

國朝康熙開叅將王之任等重修

謝志

宋周弼詩山前

人戀巢居結屋寄突兀多風鎖寒殿頻雨閉石廊倚透
獅子傾草蔽鴟吻沒闕樓中胡神纓絡纏古佛喜顰影
摧殘倚柏香蓬時丹葉夏猶在綠樹暑未發拗徑鳴秋
菰閒階起蒼鶻僧衣莓苔侵齋鉢野菜掘梵皮止數卷
矧能備巾拂奔波道途閒體倦神屢竭明韓雍詩上
方風景最清幽暫駐雙旌試一遊絕壁有巖皆起閣歸
僧無路只乘舟天連廬嶽擎孤柱江納鄱湖
濠合流翹首不堪東北望思鄉又感廟堂憂

下鐘山寺在湖口縣北唐龍紀元年開創名寶鐘院宋
嘉祐中僧佛印修改今名元末燬明洪武間邑人鄧道

宗重建萬厯閒重修仍名寶鐘寺

國朝順治閒兵燬巡撫蔡士英叅將王之任重建

謝志

龍華寺在湖口縣通濟門外明天啟二年僧立禪初建

崇禎六年邑人鄒逢吉修

國朝康熙二年叅將王之任守備李咸陽捐建嘉慶五年

僧旭雲重建其徒文波海宴更新之

謝志

寶馱寺在湖口縣鞵山明萬厯八年僧德明建天啟中

守道米萬鐘改爲馱峯寺

謝志

陪湖寺在湖口縣城東四里南唐僧宗震建後圯明成

化元年僧海壽修旁有古井

謝志

無相寺在湖口縣柘磯下五里唐貞觀八年沈十三建

明正統成化間累修崇禎間僧寂品重建

國朝康熙二十九年僧旦文改建嘉慶十一年僧得心重

修

謝志

莫櫟寺在湖口縣酌山元至正間建明成化三年僧從

義重建正德中邑人張珍江伯連修

謝志

治平寺在湖口縣黃茅潭界唐天復中僧道簡建元末

兵燬明永樂初重建成化中僧智隱修

國朝乾隆三十八年僧旭雲重修

謝志縣志

三賢寺在湖口縣彭澤鄉初名三學堂晉陶潛爲邑令時嘗與陸靜修周續之三人講學於此唐天祐中僧長慶建爲寺元末兵燬明初邑人柳德昭重建宏治中僧慈容修正德後名三賢祠後圯

國朝順治間僧一誠建雍正十一年僧曉持見月重修

謝志

縣志

蓮花寺在湖口縣五柳鄉晉太元十二年釋惠遠建以地形名元至順四年僧萬善修至正十二年兵燬明洪武間赤腳僧復修側有白石泉

謝志

吉祥寺在湖口縣城南三十里宋治平四年建元至正

閒僧雪庵明洪武初僧銘心遞建成化嘉靖閒累葺湖志

長安寺在湖口縣阜湖順泊閒僧通明重建湖志

壽甯庵在湖口縣分水嶺舊名壽甯宮康熙九年僧圓

拓重建湖志

普明寺在彭澤縣治西鳳皇山麓南唐西峯禪師駐錫

於此始額普明明永樂閒重建大雄殿

國朝乾隆十二年知縣李松泰倡建縣志詳案謝志宋

修重

安禪寺古名安禪院在彭澤縣東十里新興鄉漢永平

閒僧祖印創明洪武九年重建湖志

崇梵寺在彭澤縣東五十里新興鄉宋隆興閒創明洪

武閒重建湖志

寶林寺在彭澤縣東五十里新興鄉唐永淳元年建明

洪武間重建

謝志

集福寺在彭澤縣東六十里太平鄉唐時建明洪武間

修復

國朝康熙九年修

謝志
縣志

上廣福寺古名壽山寺在彭澤縣東二十五里五柳鄉

唐永淳五年封五岳建諸寺值年豐稔名曰廣福僧雪

溪創建有西峯古井

謝志
縣志

寶華寺在彭澤縣五柳鄉創於唐明天順三年重修寺

前有塔

謝志
縣志

鷺峯寺在彭澤縣太平鄉古名黃山院宋淳化元年建

明宏治間重修

謝志

寶相寺在彭澤縣南八十里建安鄉唐貞觀間建

謝志

定安寺在彭澤縣西三十里定山下晉天福初建明正

統閒僧圓悟修

謝志
縣志

太乙觀又名祥符觀在德化縣雙劍峯下晉董奉種杏

在此有石鐫禹園二字

謝志

太平宮在九江府城南三十里唐開元中建額曰九天

採訪祠南唐改爲通元府宋宣和改太平興國宮元季

燬明洪武二年道士江梅高復興復羅洪先題額於門

仙家採真第八洞天

國朝咸豐閒燬

謝志

縣志

唐李玘太平宮九天使者

陽不測之謂神惟道也生三混成洞微於變化惟神也得一而妙蓄祕於恬冥致若太元遐徵妙有運陶甄之極不獨尊歟后唐累聖光華大明終始陟廣陽之午廊照臨京採元命之符銘昌鼎昇白雲孤峙時望尚邱紫

炁千齡日飛函谷我開元神武皇帝圓靈受膺方輿龍
秘握元珠之妙捐可寶之珍演至道於希夷刊雜法之
凝滯乃聖一也於穆祀典清廟徽徽孝友光明天地冥
洽乃神二也劔戟之器返於三農弧矢之威神斷六合
乃武三也察時變者觀乎天文人習凡庸無階測聖乃
文四也故冲精象外高視鴻名昂薦河圖靈朝海若堯
心攝照顧言荅於几蓬軒日司明屈旌乘於炎隄所以
虞環盡地夏玉從天納殊賁於西王展告成於東后五
龍推紀邁梁市之高曾八駿巡遊陌崑嶽之轍迹昭回
上轉山嶽下騰列聖攸居通仙福會文皇贊義武帝佩
圖至道之興其來尚矣自華封獻壽聖德祈年金帛傳
書珠簫味液公主以天慈入道挹化芙蓉祕監以王子
出家調芳芝朮北列仙之籍南州希至學之因聖
緒無爲斯其有作乃瞻翠嶺真君道府光極祠室幽贊
神宗青城廬嶽二山者佐命羣峯之望也丈人仙籙祕
諦真君使者靈司孔昭冥察名書五法舉亞三寶清洩
崇巒冀弗爲於物阜寒暑寄谷特必順於人時開元十
九年八月二十一日降明旨曰青城山丈人廟廬山使
者廟宜準五嶽真君廟例抽德行道士五人焚修供養
仍委所管揀擇灼然道行者安置其年名巾所由敕置
廟使內供奉將使者真圖建立祠廟并章醮行道設齋
使大宏道觀法師張平公粵自秦京宣猷江服煥丹青
之節賜元狂之儀驛傳光臨雲巖皎色使持節江州諸
軍事守江州刺史獨孤祖重鎮柴桑孚璫枳棘時觀武

庫代服文雄經始干城全募益厲崇規逸麗壯思逾分
朝散大夫行長史揚楚玉行司馬皇甫楚玉得陽縣令
魏昌等恭惟聖善式議靈場道俗虔精冥休推異爰初
築土則雨霖煙嶂俄頃立而色霽霞標寶龜奠臬之
辰金虬驛程之際陰陰深海密騁幽窈冥一夕融朗半空之
皇道芬芳載潔草醑翹禱六虛竊冥一夕融朗半空之
上忽吐神輝綴灼九微頽揚千仞家祭率并人吏並觀
昔天靈降周以雲門舞奏神光燭漢以太乙登禋然北
陸氣交南州煥變物委霜霰人嗟匝寒使法師恬憇仙
庭憑威國命故元冬易爰朱景敷暉暢於幽明優乎力
役並利攸往咸欣子來使茲勝郊遂臻靈域騰賴桂嶺
鬱翠松巖召鄂門僦材荆岫疏峻城緣長垣紅壁列
錢丹楹繡礎三閭四表炳繪文機入維九隅懸鏤鏤檻
虹梁互構風牖承楣列井葉鮮芳壇竹埽銀鋪月曉瑤
簾霜開至若聖理全幽真容罕測夫其祕狀遠降使司
蓋考三仙之圖不於九牧之鼎徽姿粉壁簡質光妍符
彩冥標伴靈瑞表工徒盜想殊思感通齋室盟祠既僉
如在霓旌霞蔚時蟻羽儀列冠名山禮均行潦覃薰紫
極供養黃冠玉金常煎金鑪永熬牲牲草享鸞鳳于飛
露挹神翁星臨婺女清吹洞唱天注匏瓜之津匹水仙
宮海曲蓬萊之岳龍驤鶴翥翺翻淨戒之庭師子辟邪
超躡精思之地珠幡衛篋瓊蓋擁輿法供大廚六時朝
念真經雲帙萬劫精修弗翦茅茨明代久彰於克儉經
營梓匠神理邀尊於寵光聖渥堂闢靈棲窟宅竭來祀

福不亦宜乎冬十有二月司存式命畢鉤繩也元門道
士章冲寂等挹教五千齊懽億兆愿仙階而仰止攀脊
算以驤誠天使願奉於雕鐫心存魏闕法眾希憑於茗
碗道在吳岑春水桃花迷源遂遠幽林杏鵲勝地非遙
伏荷天休敢述頌曰道祕重冥神幽福庭三景運極五
嶽棲靈其真有物厥妙無形理則悅惚功惟泰甯於林
皇極昭融亭造睿握元珠祥不六寶蒼垠集貺紫雲宗
道致享百神探因五老乃瞻崇山嶽靈之祕三象浮精
十華仙使威畜雲雨神存天地法象昭凝真圖炳粹幸
明德之嘉運降幽祠之寵章扈仙儀兮肅肅瑞彩兮
煌煌燦琳宮之夕照拂琪木之神光雕揮兮翠輦玉銮
兮調香櫛五芝於秀嶠奉入桂於飛梁龍吟鳳舞天路
長青雲衣兮白霓裳節空歌於瑤碧璫羽旆於瓊漿
激兮福宇影眇兮神極率匹水之布流睨香鑪之綺色
留鶴語於千載者鸞裝兮一息絳河真母將易逢碧海
仙姑森難測恭至道兮三五奉休符兮萬億紀貞石於
名山壯洪規於帝力唐開元二十年壬申正月乙巳刻
二五十五日己巳樹宋王十朋詩此來端不爲行春
謁從裡舖地欲向廬山訪隱淪聖主如容食祠祿願爲
主管太平人王阮詩并序某生長此山中往來紫元
景曜之下謂非遊客不當留題族子南震醮歸啟曰副
宮老仙頗以爲言惟歐陽公昔遊嵩山見石上薛書神
清之洞而同來者不之見也公喜寄陸子履有醉翁今
已作仙翁之句某非其人也敬賦短章折衷於真君云

貝閭岩巖不可攀遙分絳節下人閒起元立道幾千載
擇勝棲神第一山宵雨應時豐稌野真風與世養朱顏
山前老叟非仙骨悵望丹崖薌篆班元成延珪送周
尊師歸廬山太平宮詩匡廬之山仙所居銀河倒瀉青
芙蓉三千路昔一往十八社友今何如向來匡君結
廬處至今海月懸高樹水流花落春復春洞府蒼茫隔
煙霧西風蕭蕭吹短衣賣藥修琴不歸去得陽潮落海
欲枯幾時再得麻姑書桂風不窮林下虎回仙肯頭盤
中魚幸留神物守丹鼎近喜弟子迎戰車世閒信有揚
州鶴看汝乘之上寥廓晴窗須理白雲篇爽氣仍開紫
霞閣袖中寶劍且藏鋒彭蠡小龍方睡著困胡查慎
行詩北風江上來吹瓦墜屋角牛羊入廢觀古木一烏
啄問此宅何神其來已渺邈肇興自唐代廟貌盛樸所
禱鰲掀訕樹樨山上古神靈封每視三公爵東南北
中嵩岱恆華霍廬山雖僻左不得列五嶽傲然踞江湖
氣象頗卓犖無端加秩祀屈首受正朔山靈恐未甘孰
與一邱樂黃冠那解此意在崇禎換昏昏入醉夢舉世
呼不覺神來風綽旛神去雲解礙下視九萬空紛紛蜩
與

靈真觀在德安縣治西義豐山下楊吳順義七年道士

李元微建元燬明正德間南昌衛軍士王必政重建謝

洞霄觀在德安縣北四十里宋元徽元年道士劉休範

建元燬明正統間僧持淨重建改爲寺

謝志

玉清觀在德安縣玉清山之巔去縣西四十里宋慶歷

間道士郝仁仲建元燬明正統間道士龔志宏重建

謝志

昇龍觀在瑞昌縣南半里明季燬

國朝康熙初知縣劉景皋重建同治三年修

謝志

石山觀在瑞昌縣西十里觀後三石鼎女真步虛禮斗

於其間邑令江皋構亭於上顏曰問石咸豐間燬同治

初道士方至正修

謝志

廣福玉隆觀在瑞昌縣西北之蘇山卽蘇耽得道之處

謝志

玉清觀在瑞昌縣西四十里南唐建

謝志

修真觀在彭澤縣東南五柳鄉梁大同二年建元末燬

謝志

柏山觀在彭澤縣新興鄉明永樂間白鶴山道士程紹

雅建

謝志以
上九江府

寶界寺在大庾縣城西北宋皇祐初建曰福田院後易

今名劉安世江公望張九成謫南安皆寓其中潛祐中

知軍李天正創景賢堂先是東坡嘗畫竹於鐘樓下壁

有人剝之以獻韓侂冑樓亦尋毀明知府張弼建鐵漢

樓於西廊弼題東樓曰墨君閣

謝志

明張詠詩樓高
風急不勝寒卻把朱絃

手自彈彈到無聲更漏永天空明月滿欄杆邵寶詩

寶界寺鐵漢樓江山壯哉樓上頭我來再讀元城傳白

晝寒風生遠愁陸樹聲詩君不見趙家中途棄解紐

章蔡何人能假手元城夫子七尺軀投荒半向嶺南走

歸來長揖遇坡仙訝此鍾鍾眼中有一張公草聖雅尚友

磊落奇胸墨三斗興來吐作千龍蛇錢此天南一培塿

想其放筆向豪舉拍向紅塵試回首昔人已往魂難招
黃金誰爲鑄不朽共看滄海成茫茫何物突兀相悠久
真覺寺在大庾縣東山元泰定間建初爲院明永樂中

廓爲寺宋劉黻以劾丁大全謫置南安嘗寓此寺明知

府張弼爲構蒙川館

張弼記宋之季世有蒙川先生劉黻字聲伯者爲太學生時劾丁大

全之奸安置南安軍乃擇濂洛精切之語輯濂洛論語若干卷又有問梅集蒙川集若干卷其學一以濂洛爲主者及起而任御史爲侍郎尙書言論正大剴切足濟當時可謂不負所學者雖時不之用垂訓亦遠矣及宋將航海委身與陳宜中俱至羅浮病卒而家死於海信其以身任道非當世之苟祿偷生輩可擬也南安之東山有泉正易所謂山下出泉蒙與其號合先生豈因之而爲號邪豈其家在永嘉之雁蕩別有所因邪易曰蒙以養正聖功也其志亦可見矣弼遂屋於其上題曰蒙川館以旌先生之迹廬後學之思館之前繪以垣垣之門題曰半山亭亭枕橋橫淵下自東山佳處上至寺之花雨樓磴道盤紆正及其半秀樹奇卉泉聲鳥韻四時朝暮不可名狀有精郭景純之術者曰館正坐山之勝處故又以此表之雖然特以先生之正道謚言委身家以殉國不徒爲濂洛之名足以聳後學之天衷維斯世之鼎彝耳若山之勝殆何處無之邪或曰半山之名

同於王安石之字將爲人所嗤詆此不然噫誤安石正所以崇先生之道也但世有冒濂溪之名而惜其之高者垂刺下者迂遇將若爲先生之辱耳然則豈爲僞而併僞孫叔敖邪顧吾之爲者真僞何如也遂書於館之壁以記之而先生之祀則與安世諸公同亭於萬賢祠矣國朝游紹安重建豪川館記蔡川德不知潭於何年山長黃思亭屢尋遺址謂真覺寺前坡之遺路亭刊於策矣乾隆丁卯公構正氣樓成邑釀生劉斯來奮然起曰斯樓斯館皆東海張公爲聲伯先生作也樓既聿新館烏可仍舊且踰金剛類僧伽字乎於是立崇石像於寺廡亭之垣墉改砌而堅崇亭之櫺櫺易架而高大爲窗爲廡門戶階阼以整以治簷牙飛啄地面平鋪別於左側焚闢山徑介然成路向爲樵牧野老豈盤雜沓之區今則濟濟冠服靜觀原泉而自得也向爲編流香花道場梵音貝語今則几榻修列坐嘯行吟想當年輟論語問梅諸集依稀如聞見也館也而亭也而館矣劉生斯舉可謂知務其費錢如千緡生非以錢市名余何必問生費數嗟乎凡境內所當興舉者獨蒙川館哉有心者每憾絀於力有力者又豈獨劉生哉或謂生爲前明司寇雪臺公支派東山有別業故爾余曰其然雪臺昌明正學問梅國書院上接道源大有功於學者紹衣厥後不其然乎爲草數行卽有振衣堂正氣樓五命上舍弟子員生男好德書之

山亭花雨樓諸勝謝志林猶明羅倫詩說法誰能不離宗

又向東山第幾峯世外自拚隨落葉門前誰與護長松

尋幽憐汝過支遁早是深公未易逢黃允肅蒙川館

引宋蒙川劉先生名鹹字聲伯以勅丁大全安置南安

軍寓山寺山下有泉湧出悠然悟真源溯濂洛宗派著

蒙川草因以爲號明太守張東海公就其地建正氣樓

及館名曰蒙川義取蒙以養正象爲山下出泉蹟久

湮沒無傳余按圖索得修其蔓朽表而出之諸生請賦

其事拈韻一先各出體裁予不揣首倡並邀郡邑侯暨

廣文先生和什庶後人有所攷而重葺不致借陋金甌

永爲緇流作字耳南來匹馬宋大賢靜觀活水契道詮

悠然有悟無極說上下源流千百年浩浩聖功註論語

占蒙養正日乾乾東海賢侯崇風教特標浩聖功註論語

世事桑滄幾更變可憐故館鎖寒煙僅看老佛生亭際

落窠高躋歎久湮吾閩名宿守茲土治與東海相後先

振廉立禱育英雋道源書院廣招延愧我未能尋樂處

濫託東山轉耕田徘徊憑弔追勝蹟作坎長流有本泉

芟除蔓朽清萬象生意盈盈在眼前風光月霽無限趣

陶陶忘言見吾天濂溪洛水如環繞朝宗洙泗是蒙川

盈科放海皆由此誠哉吾徒宜勉旃

嘉祐禪寺在大庾縣治東北隋開皇五年建唐景雲間

重修改名大雲寺宋大中祥符初復興庭植雙桂四時

開花有丹泉味重而冽改寺名清泉後改今名明正德

間僧慶禪重建

謝志

宋張九成嘉祐寺詩曳履出南

坊甘泉溫中庭修桂蔭簷廊三秋此花開清香駐高堂

試問紅塵中那得六月涼門外江聲急堂中松韻長古

殿嚴像設佛鎗龕夜光不見堂中人從覺心悲傷人

生本無定樂處是吾鄉吟餘復何事月落山蒼蒼

普化寺在大庾縣龍山唐咸通中建宋賜今額元延祐

閒增飾易山名曰鎮龍以山左有潭潭有龍也旁有獅

謝志

象形前有端人峯諸勝

謝志

報恩寺在府城東宋崇甯中建

壽昌寺在大庾縣青龍岡北宋皇祐間建尋改聖果寺

謝志

又改慈聖寺後仍初名

靈巖寺在大庾縣了山舊名了山寺後易山名曰雙秀

故曰靈巖南唐時建舊有辟支佛牙宋皇祐元延祐中

先後修葺僧德賢棲真處右折爲柳坑有龍湫禱雨屢

應

謝志縣志 國朝李如筠詩雙髻瘦削玉絲雲天

際深老樹與空山相對忘古今其上虬松蓋其下修竹林紫筍迸石罅茯苓黏松陰山鳥隨意啼一一答梵音咽故舊俗上杖藜何處吟夢山二十年一見了可

識緬彼先覺人元坐久不食略焉喪形骸於世果無得書空字拏雲想見龍象力山空饑虎號佛鈴昏不滅

寶積寺在大庾縣濱江石龍之南俗名迴龍寺宋咸平

謝志縣志 明張弼寶積

中建後移梅山門外之左謝志縣志 明張弼寶積

花氣自徘徊丁甯莫放遊塵到點破窗前紫翠苔陳獻章詩酒醒迴龍欲二更迢迢秋漏徹江城何須不理東湖權徐孺庭前月自明劉節詩曲徑重遊地空門欲暮時報晴在佛鼓照水淨花枝塵榻參禪梵紗籠問舊詩東風爾好

事慚我髮如絲 常樂院在大庾縣東常樂里宋嘉祐中建有經藏蘇軾

北歸嘗憩於此寫竹石壁上

謝志縣志 蘇軾經藏銘佛以一

則爲幾說我法不然非千非一如百千證共照一室雖
各徧滿不相壞雜咨爾學者云何覽閱自非正眼表裏
洞徹已愛將愛則相凌奪惟同屢空無所不悅是名耳
順亦號莫逆以此轉經有轉無竭道人山居僻介楚越
常樂我靜一食破衲達摩耶敷勤苦建設
我無一錢檀波羅密施此法水以灌爾地

玉峯院在大庾縣西六十里上峒有五山蜿蜒而來中

有圓阜俗名五龍珠後有峯最高名玉峯

謝志

興教院在大庾縣玉池坊南唐保大中建宋政和間賜

額

謝志

法華院在南安府治北一里宋咸淳間建

謝志

吉祥院在南安府城東二里嘉祐寺右

謝志

法寂院在南安府治東七十里宋天禧間建

謝志

玉泉庵在大庾縣東北玉泉山

謝志

傳法寺在南康縣東門外唐貞元間建名六祖院宋蘇

軾易今名

國朝康熙六年僧嘉祥重建

謝志

萬安寺在南康縣南附郭卽南臺山唐建久廢相傳宋邑人蔡大山學禪於此法名圓慧其遺身至今尙存寺僧祀之

國朝順治間僧寶元重建同治六年里人集貲改造寺左

爲觀音院門建水南昭忠祠

謝志縣志

大中祥符寺在南康縣治東北宋建

謝志

祖印禪寺在南康縣西青泥鋪

國朝順治十六年僧行中建

謝志

淨慧院在南康縣傳法寺右唐貞觀中建

謝志

顯聖院在南康縣治西南南唐保大中建

謝志

慧日山庵在南康縣治東順治十一年僧傳魁建

謝志

寶乘寺在上猶縣治東資壽山下楊吳時建在猶水上
後遷今所相傳寺有畫龍遇陰雨鱗甲飛動僧惡之割
其耳目遂無異元至治二年邑令趙明於寺設粥濟饑
者兩閱月每日食者千計夜聞竈閒車聲若有神助人
咸異之明成化閒御史何衢知府張弼會諸生講藝寺
中

國朝雍正八年邑人鍾高賢重建咸豐閒燬知縣邱文光

捐修

謝志
縣志

智林寺在上猶縣西石門邨唐天寶六載建

國朝康熙初重修

謝志

極樂寺在上猶縣北小路邨又名梅峯寺唐建

謝志

東山寺在上猶縣東巽山上舊名慈恩庵其山突兀臨水環抱城郭登山而望頗盡一邑之勝遊人吟眺多在於此明嘉靖間知縣谷同建書院於此

國朝知縣沈振豪復修乾隆間合邑重修咸豐間燬邑人

張任禮李瑞燾等修復

謝志縣志

龍歸寺在上猶縣北城外原名鷺峯寺宋建明知府張

弼易今名

謝志

廣教寺在上猶縣烏頭邨舊名天龍寺唐天祐中建明

成化中重修名護教寺嘉靖間改今名

謝志縣志

聖濟院在上猶縣治東南有拂雲亭壯麗甲諸蘭若今

圯

謝志

太平庵在上猶縣西南稍尖峯下明永樂間邑人尹志

萬建

謝志

金仙寺有二一在崇義縣永安里文英一在雁湖里俱

宋建

謝志

雲峯寺在崇義縣沙溪洞宋悅禪師開基明萬厯間雲

峯和尚重建

國朝康熙二十年僧岐山遷建距舊址半里許

謝志

祝聖寺在崇義縣忠義里沙溪僧洞明建

謝志

甘露寺在崇義縣十八面山下舊名茶庵明萬厯間長

龍里民王世鎬建

國朝康熙八年知縣甘爾翼重修

謝志

水口寺在崇義縣城北里許明崇禎時諸生蕭孟瑤施地居民鳩工而成

國朝康熙三十二年重建

縣志 謹案謝志
邑人陳香施地

元妙觀在南安府城西南宋端拱二年建

謝志

玉虛觀在大庾縣常樂里宋皇祐間建

謝志

無量宮在大庾縣雙秀里宋嘉祐間建

謝志

永興觀在南康縣東門外宋泰始間建

謝志

棲真觀在南康縣崇信里唐建宋慶元間重建

謝志

清真觀在南康縣北宋慶元中建

謝志

真常觀在南康縣治北明洪武初建

謝志

洞真觀在南康縣治北宋元嘉中建

國朝康熙二十八年道士陳子伯重修

謝志

仙臺觀在南康縣西門外宋大觀中建造建炎中有鄧道

士遇一羽流僦居未幾病亟顧鄧曰死葬我三日可發

視之鄧如其言家內惟存雙白石觀內有井二像呂字
相傳有丹遺井中

國朝順治閒僧普度復修康熙十年添造大殿改名西竺

庵

謝志
縣志

景陵觀在上猶縣景陵山

謝志

萬年觀在上猶縣治西一里唐末建敕賜觀額卽巢道
人王守鐘修真地年久圯

國朝乾隆十一年邑人鍾文運劉祥槐等重建

謝志

縣志
以上

南安府

光孝寺在贛縣城東廉泉右晉時建久廢唐高宗時指
揮使邱崇弟誠重建寺內掘地得水極清且甘俗稱出
水寺久圯

國朝康熙五十三年僧成廣募修嘉慶十二年邑人姚武

芳修十六年謝茂滋捐資落成之同治九年巡道文翼

重修十一年邑人復修

謝志

縣志

明區大相遊光

別木落山更蒼地煖氣初列稍尋奇暇微遂竟靈異說
境緣二井勝事非茫昧設靈氣通山澤寒湖應海月日
液豈泉蒙春流因雷發妙理詎中藏神機豈外洩汲同
神漢滋飲異醴源竭山根涸地脈水道走石穴久間有
此言每台心賞絕遊思

六合外歸補水經缺

空山寺在贛縣仁空山相傳晉崆峒僧阡駐錫於此明

崇禎七年桐城僧瑞白建十一年知府劉寰題曰空山

精舍

國朝乾隆間知縣張照乘改爲寶蓮寺

謝志

景德寺舊名安天在贛縣城內東南隅劉宋時建唐貞

元三年重修明成化間改爲學宮嘉靖四十一年仍遷

府學於紫極觀始復其舊今俗稱大佛寺

謝志 宋蘇軾景德寺榮

師湛然堂詩卓然精明念不起兀然灰槁照不動尊默然之時慧在定定慧寂照非兩法妙湛總持不易論諸方真人不二門語息則默非對語此話要將周易論諸方人人把雷電不容細看真頭面欲知妙湛與總持更問江東三語

天竺寺在贛縣貢水東原名修吉寺唐元和初僧韜光

自錢塘天竺來攜白樂天詩蹟於此以爲世寶宋慶歷

間蘇明允父子相繼遊此有育才軒爲劉鑄季野李朴

先讀書所

謝志 贛志 唐墓母潛天竺寺詩郡有化城最西窮巖嶂深松門當洞口石路在峯心

幽見夕陽霽高逢暮雨陰佛身瞻紺髮寶地踐黃金雲向竹溪盡月從花洞臨因物成真悟遺世在茲岑宋

蘇軾詩并序余年十二先君自虔州歸爲余言近城山中天竺寺有樂天親書詩二首筆勢奇逸墨蹟如新今

四十七年矣余來訪之則詩已亡有石刻存耳感涕不已而作是詩香山居士留遺蹟天竺禪師有故家空咏

連珠吟疊壁已亡飛鳥失驚蛇林深野桂寒無子雨挹山舊病有花四十七年真一夢天涯流落涕橫斜國

朝汪立名放方與勝覽虔州有天竺寺在水東三里東
坡天竺寺詩序云又東坡書樂天此詩後云唐韜光
禪師自錢塘天竺來住是山樂天真蹟後四十七年
慶曆中先君遊此猶見樂天真蹟後四十七年韜南
過虔復經此寺徒見石刻而已紹聖元年八月十七
日是此詩固寄虔州也但韜光禪師本住靈隱故詩
天香山子語咸謂臨安志靈山禪師之陰北洞之水
寺靈山南而下一至峯前合爲一洞有橋號合源又
逸寺峯南而下一至峯前合爲一洞有橋號合源又
靈隱天竺兩山爲一門而入又志云東坡虔州天竺
引云則樂天非爲杭作故舊志又云東坡虔州天竺
天竺山門上二詩一云想見南北山花發前後臺又
北一山門上二詩一云想見南北山花發前後臺又
俟知者要之白詩自是奇杭州後白詩語姑附著於
故遺蹟在虔耳張尙媛公之遺誤後人者亦有後
有未核後反其甚多顧有公之遺誤後人者亦有後
人泥公而反其甚多顧有公之遺誤後人者亦有後
無辨而決也微特其誤者香山寄公之遺誤後人者
南澗可爲天竺水遠前香桂子人知之一門後雖改
崇岡峻嶺獨可移之華者耳就韻之天竺言之後雖
自如獨培壤之天竺乃培壤耳韻之天竺言之後雖
構揆諸往昔決無琳宮祇樹對峙交通者詩之不作
識也無辨而決也公於黃州赤壁東林三笑猶偶於

筆非所留意獨此則曰先君親觀墨蹟又曰余訪之墨
刻存焉不應誕妄至是解之者曰韜光移錫與詩俱去
遺蹟在虔乎行之先生詩曰爲山分作三峯
石葛陶深疏雨派泉知其由杭入虔無疑矣

寶華寺在贛縣治西北一百二十餘里唐智藏禪師示
寂地咸通五年郡守唐技爲智藏重建明崇禎末巡撫
林一柱增建歲久圯

國朝道光十六年邑人鍾价崇捐建於寺西俗稱上下庵

謝志
縣志

壽量寺在贛縣城東唐末盧光稠爲僧道誠建始名盧

興延壽尋改經壽宋祥符中賜今額元末燬明洪武中

僧榮安重修解經記自宋盧光稠保虔韶頗著惠愛而
塔廟之建在虔而有若今贛州壽量寺其

一也始有僧道誠隱居雲泉之無憂山夙著苦行會光
稠闢室疾疫醫藥祠弗愈或云道誠當治之迺禮請

至對云法華經可愈光稠如其言遂驗欲贈謝之辭曰
得一袈裟地足矣光稠乃捐東宅花園建寺始名盧興

延壽以此也尋易爲經壽宋祥符中始賜今額紹興中
修造尤盛增塑佛釋丞相益國周文忠公嘗遊息有
存焉至元壬午圯於水元貞丙申塑像者僧如一也至
正庚寅修造者僧智就也壽毀於兵洪武中以賦役訴
於朝得委民佃僧眾以甯者今住持僧榮安也榮安以
推舉典藏當寺僧蕩析之際去而之四方豈不甚易且
樂通崎嶇陳乞憑瞻叫閤以復其役以息其徒而又積
累修造至於此之盛豈不可以爲賢乎且與儒者道
不同乃於患難之際相恤如是篤於交友之誼與古
等不賢而能之乎是不惟於其徒能有所勸其行誼之
可嘉於人心世道未有不惟於其徒能有所勸其行誼之
之未必不由於斯國朝置僧綱司治景德寺久亦地
榮安始蒞官郎修治之其用心廣大豈不又可見歟
榮安之爲賢也爲之記又詩崆峒之山高峻岫章貢
二水夾城闕鬱孤臺前氣氤氲異人感化通明昏
花果真祇園珠林靜鎮塵市道一彈指頃五百載苦
持立志孔仁度超劫灰致開闢精神有格回天鈞綱衣
寂寂樂復臻屹立砥柱洪河津金鋪默閱眩錦新庶
趨拱來如雲仰祝聖世崇華勛萬歲日月同朝嘯萬
歲日月同朝嘯萬歲日月同朝嘯萬歲日月同朝嘯萬

國朝順治間總兵胡有陞重修

謝志

妙高寺在贛縣鹿山楊吳時慧應禪師嘗寓於此

謝志

合龍山寺在贛縣北合龍山宋仁宗時里中僧小道以

宮中所賜珍物勅建

謝志

萬法寺在贛縣堯溪宋淳熙九年建

謝志

寶雲寺在贛縣貢水東

謝志

宋廖剛詩偶隨鷗鳥度

半迎曉展欲憑風露濯塵衣
寂禪閣半掩扉翠玉萬

開輝寂白雲扉高僧久住清涼國應笑風塵滿客衣

化城寺在贛縣四會鄉宋建明末燬僧一輩香林相繼

謝志

修學使楊嘉祚題曰無聲三昧

謝志

馬祖巖寺在贛縣佛日峯明萬厯初僧悟學與其徒本

謝志

東勝山寺在贛縣東門內明萬厯間僧明海建

伍議記

江表上游萬峯佛碑二水滌洞居然吳楚粵閩之奧區
而形勝匪巧獻奇無之非是即閭閻中如鬱孤廬泉諸
勝皆可眺而咏也往予兵備虔中遇暇輒與二三僚友
命駕隨焉以紆薄領之困偶至廉泉則鐘磬之聲縹緲

自林間出問之曰東勝山也曲徑盤迴深林蒼蔚煙雲
杳靄望之以如無人之境稍前則蘭若在焉老僧曰明海
者焚香以俟應對從容似姻於戒律者見其室宇嚴淨
不染纖塵頗覺俗情冰釋已乃穿左方小徑茅軒數楹
愈覺閑寂翠篠娟秀蘭茝芬芳圓澄蓋勸老僧以精進心
真人想爲之顏其軒曰覺海圓澄蓋勸老僧以精進心
也世之談禪者往往拾藩於頓悟以爲道何分於喧寂
最上乘在剎那間耳而不知上根器人如優鉢曇花屢
劫而不一遇其次未有不由靜而入者也不然如古之
休夏自恣安期晏坐以祇洹之智而猶若是況學人乎
故飯心上乘者必期精舍以居俾四大安穩六時禪誦
座無不緣根無所攝庶幾以漸而登其彼岸之津梁乎
明海之爲淨室可謂有志於學佛者矣此地故劉姓者
所居明海以所積資易之營其數年而成遂以爲東
城之勝其徒有能守戒律而無忘其師之訓則此庵爲
不朽矣明海命其徒走千里求記余爲之記其大都如
此

里人謝詔金華昌置田

國朝宋華題曰山之幽

謝志

契真寺在贛縣長興鄉田邨寺有羅漢經十八卷藏閣
上後經被竊去復歸經上有水火痕里人供之以禦災

早明朱多炏瑞經記萬曆戊子秋予寓故人張伯輔虔
機鋒警敏宗教條達庵僧遠延之來將取元日於登
壇說法六時焚誦之餘得與踟躕而語語次反田耶契
真寺有佛名經甚異云侍者某甲云寺災此經飛入儲
潭有直指使者夜見舟底火光知爲寶氣命測者得之
初將謂磚久視之爲此經也仍送歸寺寶藏之某甲云傳
無何聞於甯邸亟索去邸有夢警仍歸寺中某甲云傳
說嘗有十八儒生投宿於寺次早編開而諸儒滅影惟
此經燦然在座遂稱爲十八羅漢所書某甲云昔里中
兩少年寄住寺寮久之翦去此經首尾序文焚之參悟
有得因棄家去莫知所終四者不齊要皆傳會而神其
說者明日顧朝肅使君枉駕山中因語其異欲往就觀
使君以舟車至齋沐將發適徂暑復溽不堪登汎使君
趣遠取經往回水陸二百餘里啟行之日田邨遠近少
長望寺閣上有五色琉璃光寺僧不之覺也明日田邨之
苾芻尼鄔蒲索迦耶浦斯迦長者子善知識大羣
人等擁護經來予得掩開偏緇焉經十八卷載諸佛名
一萬五千次豎發露文次豎發願文首無序文尾無迴
向其翦去首尾之說或有之矣書法全用偏鋒是前代
藏經之墨派也墨氣勁厚非李廷珪之煙不能紙茶蠟
色其表裏厚薄與藏經紙同無金粟山福壽院勾當賜
紫諸印記其文爲三藏著提流支在胡相國秦太上文
宣公第譚流支天竺人也經必藏經中之一支耳首云

華作劫一億百千萬佛今之學人惟知過去莊嚴劫見
在賢劫內有七佛二十八祖七佛二十八祖之外無聞
焉豈必七佛之上萬五千佛萬五千佛上有一億百
千萬佛邪學人於此得毋約境參測之嘆哉藏經寺中
不計夏臘凡幾計每藏田部緇素有禱則焚香瞻禮雨
則雨暘則暘有疾苦者迎請至宅可以鎮惡應如影響
一方賴之予因次其達者至今靈瑞之蹟以歸田部緇
素奉之爲保障焉且云已新一閣請予題其榜曰瑞經
錄其言爲瑞經記云

國朝順治十三年兵部侍郎李元鼎募建

李元鼎募建

邨有羅漢經不知始於何代傳有十八儒生投宿比曉
不見遺此經中多水蠹文間以萬五千佛菩薩及藏經
名號古澤堅栗爲藏經紙無疑墨光炯炯字畫端麗其
十八卷遂曰羅漢所書據朱澤泉記寺災此經飛入儲
潭直指使見舟底火光命涸者得之今水痕迹現存
又云宿藩取此經去感夢仍送還寺澤泉王孫也所云
或有之又經無首尾傳紀或爲人所剪截殆未可知又
據經首三藏流支在胡相國奈太上文宣公譯或謂姚
秦時物吾觀凡經多曰姚秦不必傳會也近聞有縣令
置經椽上縷閱遂以毒殞又聞某撫軍請經入署有紅
白蛇見之異余意所重猶不在此獨是經在田部數十
里內人物繁庶雨暘時若歲和年豐疫癘不作且瑞無

丁巳重刊卷二四一二務讀略



志

縣

華嚴院在贛縣

謝志

龍口

一作龍坑

庵在贛縣南二十五里明邑人袁慶祥讀書

於此正德間詔毀寺觀慶祥白知府邢珣扁爲龍溪書

院遂得全今仍爲庵

府志

法龍山庵在贛縣四會鄉宋建元燬明嘉靖二年僧寶

堂重建

謝志

真諦庵在贛縣興賢門右僧虎國建後爲一貫堂今爲

民居

謝志

明覺寺在雩都縣西關外卽福田寺舊在大昌邨梁天

監中建唐開元遷今所

楊知新福田寺三門記夫立有

彙成大因從性起入法空海蕩蕩而稱焉莫口構梵刹
貯像生敬魏魏如星中月發揮晦悅且教西騰出鎮中

國自姪姓垂代迄今聖朝頗變星紀經歷數滌取緇更
彌取鍛清流甚者默奉禁儀如農夫之望歲暨乎我上
踐極鴻巖西化天下燧焉且福田寺者梁天監年中之
建號比雖暫壁前殿今進後迹有洛山離塵禪大師之
門人性常早傳禪印致遠深旨目睹羣般敷異浮榮斗
茲塵穢得獲三昧寒灰纔續不味馨羞善引三車昏徒
盡悟發軔臺榭似箭從弘悟卽色而卽空達有作而無
作於茲寺造長廊三十餘間又建彌勒院永經重序朱
軒素壁周迴奪目布邑沸騰艾稚咸訝閭寺僧徒與檀
越話議殿廊既成三門未立誰能爲哉若弗斯人荏苒
甲子同辭啟白師結來心頃刻之閒千里早應車騎爭
至綰紉上服異器名珍將投起阜遂俾市材礎擇良工
日臻其績可分二秋工人告畢我巍然且門闢三迥梵
典彰然劫終如末以禦邪禳今飾珠常卽師之新意簷
綴珠網籠雁拱之聯飛瓦作翠鴛接清風之迅翼丹楹
刻枏藻翠開屏地贊瑤璃四垂金鐸挂風箏而勁韻稟
律呂與天籟之齊音鳴鐸琤琮響振非化之行風夜續
揚聲走奠瀛之外遂邑人思仰眸豈異大鑒之化行更
暑遷迭若弗緒錄一境檀那師今盡屯略使深於代厥有
徒眾僧之佳號及一境檀那師今盡屯略使深於代厥有
上知新學劣詞荒確乎不拔利之不利俟時而進有命
爲文迺持筆書之將刻於石咸通壬午之三年九月十
有一日記謹案縣志是碑今在生佛寺碑石堅緻絕

無漫漶而有靈蹟其宋大中祥符賜名妙淨僧文佑真

身在焉寺後翠竹清漪名吳僧翠竹十景之一王鴻妙

修三門記物填則敝敝而不修則革其所以爲物之始

事填則廢廢而不治則失其所以爲事之紀妙淨寺權

與於梁寺三門鼻創自唐桴宋軒鴻舩曠墜陸材良工

堅垂麻於今罷兇刃而不摧厄狂雷而始熾雄無支

將頽爲墟彼遊適之人殆無以陸瞻仰而起莊恪焉過

於其下者無不喑喑嗟惜之居人劉贊謹爲善就事且

曰吾俗雖貴費而於佛奉尤勇願茲字之垂張也晦不

旦旦動念而欲繕治之蓋力有所不給故報報然莫之

舉也幸今邑有明大夫純慈愛民政不肯挽春蠶秋農

一藹穀不爲吏所競人既紆溢而用不蹙奚爲而不從

寺門之役宜有所倡也肆與寺僧仲安協謀同辭程功

計費更募良淑聞者獲意而樂輸焉大率材木號石承

覆塗瓦之咆剝斷裂盡腐枕流之爲委壓之暨者一切

完補裁選必爾自夏營工告休於冬巍然作新揭於隋

宮來者改觀過者勿嘆經辰歷年於後又未可期也是

知物之興廢繫乎時事之修舉存乎人二者相須而後

有所成斯門也非斯時之偶斯人之首則爲繁燦爲朽

壤終移於泯泯爾尙何盈盈直植而復完於古創者哉

資相與琢石請勒傳永故茂揚其事而書之尙來者觀

而可礪焉明解縉重修福田明覺寺生佛道場記

都漢縣也灌嬰城在馬山明川秀地麗物繁德人善教
後度其閒如是我開福田明覺寺去城百餘步琅山位
時勝告於邑蓋福田寺之總名統其閒者十而明覺爲
稱首道場在寺之東偏本始自梁天監至唐末五季有
僧姓吳諱文佑家於信豐開賴之帆山秀異杖錫攀躋
蛇馴虎伏樹利而居久而去之遂止於零是時明覺曰
僧伽院文佑主焉人稱爲吳僧伽佯狂市肆葦酒無嫌
由是爲人驅逐一日竄其園竹閒大呼竹將爲帚未幾
林竹枯死人始驚異邑人曾德泰垂老無嗣萌意飯之
欸其門曰當有子已而果然有孫德峻者之汀州武平
謁定應禪師師曰秀陽有佛僧伽吾法弟也寄之一扇
舟還艤岸僧伽迎問而徑取之由是昔之笑侮者皈依
詈逐者媿悔而皆號爲生佛矣至祥符己酉六月徧辭
交友無疾而化邑人不忍火之塑而祠焉至於今不壞
化之日邑人邱繼紘遇於蜀之河梁問言疾應偏僕風
趨追之不及繼而數有見焉化身髮鬚皆生邑之人士
水旱疾疫凡盜兵不測之災所感誓答嘗有狂賊縱火
方然望寺而滅又時毀寺恍惚遇佛投刀而拜凡此功
德利潤雩人不可殫記傳之父老刻之金石其可信也
已可謂靈也已開禧敕封靈濟大師嘉熙加封慈祐咸
淳加封慧應至於六字可謂聖也已嗟夫僧伽遠矣有
作於前有承於後不其大可喜歟自元盛時寺祖師榮
昌三傳爲都綱廣徹師傳今了盟師法號秋月姓陳邑
之著姓洪武壬戌天子命爲僧會以金剛智慧積山海

功因有維新撤舊之功於時火自御書閣延燒而生佛
巋然獨存蓋圯壞宜易維天維佛所以敬了盟師成此
勝事也故曰不有廢者其何以興非歟善哉善哉於是
損資不松叩善成施殿堂門寢樓觀廩瀉一新其故初
寺有林竹巨竿後已枯死生佛化去有竹生其牀下衍
而益茂中絕者久之今鬱然滿山皆非偶然是可書也
舊寺三門有唐咸通三年記李少鴻書宋嘉祐元豐有
王鴻記各一通開禧敕封一道石刻具存余初來轅見
有坊曰生佛怪而問之少長爭言昔矣生佛化後來此
出門不見固已嘆異及來零陽予友彭君子信偕邑人
士孫君思遠倪君本直籍籍言其故且曰了盟之善承
也予質之老成郭公銘善廣文黃輔君佑示其所記是
用立碑以昭無極詞曰西方有佛言湮迹遠中州生佛
諸佛之選帆山奇嶽乘而弗閱雲多善人可以誘說猗
嗟福田寺將千年有緣明覺佛來處焉放浪佯狂變化
無方或亡而存或穢而瑯久而益著信及黎庶誠而長
存以福其寓當其在世慈愍利物捍患禦災有永無歇
每歲六月不以蒸熟填門輒道白首髮結來拜祁祁佛
無我違佛有憑處了盟之爲祇園布金旆檀作林雲多
君子幸聽予箴禍福無門吉凶相尋常如敬佛卽佛是
心明末圯

國朝順治十八年知縣李佑之重修康熙十六年副將周

球再修五十年知縣盧振先修嘉慶五年寺圯於水道

光五年邑人管德松等修

謝志
縣志

智門寺在雩都縣東城外唐大中建明嘉靖中改稱慧

明山

國朝康熙閒僧通任重建

謝志

惠明塔院在雩都縣西一里唐廣明二年建至和閒邑人曾絲等建塔明洪武閒院廢塔存

國朝康熙閒知縣岳葱重葺

謝志

寶塔寺舊名延福在信豐縣治北孝義坊中爲大雄殿殿後石塔高九級或云塔無影影見則有災磚石閒有字可識曰楊貫重修又有赤烏年號

謝志

香山寺在信豐縣南八十里建自唐以前寺在山頂之

曲山高二十餘里暑月僧或衣綿飛霧時覆殿宇上有

祖師閣望邑治如斗

謝志

穀山寺在信豐縣西三十里半山中開一阿曲唐建

國朝順治六年邑人黃耳中闕寺後建堂乾隆十五年知

縣李源重修

謝志

金文寺卽南山寺在信豐縣南二里宋太平興國七年

邑人劉仁舉建紹聖四年呂汲公寓此卒寺右有呂公

墓

謝志 明林大翰南山寺詩山水多佳氣脩然出郭

兵苦提緣業淺吾欲學無生薄領罷清書軒車來此

峯間營初拄杖看鹿忽鳴鐘野澗分崖桂寒沙人徑松

杜陵貧佛日

登覽得從容

長壽寺在信豐縣水北坊宋治平二年建

謝志

東禪寺在信豐縣水東坊宋元豐二年建

謝志

光相寺在信豐縣藍田里新龍山宋普濟大德禪師學

佛之所

謝志

方廣院在信豐縣竹橋河里許

國朝順治初邑人黃崇石建

謝志

魏書詩曰鄰皆蔬圃何故號荒園似待今時築因

留昔日言素蓮生淨清水竹抱溪源法汰仍孤度許茹避眾喧又詩客汎頻來問水田薰風野外拂晴煙林

閑聚鳥能聽法水底潛龍解護禪方等經文齊上下廣長古相覆三千荒園此日金沙地慧應前身宋前

白雲庵在信豐縣治南百二十里林壑幽邃神僧元貝

所居真身至今在寺

謝志

大乘寺在興國縣廨後唐武德二年建初名萬年元至

正八年敕賜今名舊有飛來殿石佛銅鐘

國朝乾隆三年知縣徐大坤修嘉慶十三年重修道光十

八年僧能勝修

謝志

妙明寺在興國縣文溪唐貞觀四年建明洪武七年修

嘉靖十四年圯二十九年重修

謝志縣志

靈山寺在興國縣東十五里清德鄉卽名勝志所稱南

康玉山之龍華寺也唐貞觀五年建宋鐵船僧而壁於

此元末燬明永樂初重建

府志唐子儀記縣之東北有靈山焉兩山壁立自源口

取逕縈紆曲折循山而入淵水中出未有僧鐵船坐禪於巖龕擇地營道場傍曰靈山寺後僧悟能繼志修葺至壬辰罹於兵燹悉爲劫灰而僧藏山募里中樂施者重構殿宇方丈門廡庖福庖廩靡不完畢自世清湖寺乏能僧田籍入官租糧倍輸用供軍餉僧疲苦不能給皆竄遁迨我皇明世運隆平海宇甯謐僧徒稍復先是寺之臥雲樓爲缺賦已售贛之慈雲寺僧繼而得郡丞朱敏捐俸贖歸洪武丁丑縣令徐麒丞陳榮據僧元宗狀白以寺田拋荒達上司錫其額丞劉誠忠簿高泰銘復以餘糧減俸代輸縣倉由是緇徒再集飾金於像煥然一新僧舍之漏者以葺階之圯者以焚仍其舊觀矣洪武戊寅僧綱司舉天界藏主僧海雲幢授部剳住持居寺予適來宰是邑嘗遊覽而樂其山水之奇秀亦助以俸而資其賦惟彌陀殿未建爲勸相之期年殿成雲

鐘請文以紀之予嘗問西方極樂國而佛稱阿彌陀者
蓋唐言無量壽也今其遺經尚存凡一千八百言自居
易敘其大旨應念隨願生極樂國莫尊於此經予嘗觀
之佛發四十八願願皆成佛無退轉心故無根無患定
靜而不散亂皆可以守無上菩提心昔之法藏比丘今
之阿彌陀佛乃從凡而入聖也司馬文正公有言曰顏
子在陋巷孟子養浩氣富貴如浮雲是名極樂國而吾
儒名教中大有樂地可識矣寺之僧徒勤勞守戒律者
沙門海雲禪也故備書而記之宋趙抃題靈山寺詩
我爲靈山好登留到日睡巖幽餘皆雪鐘冷入秋雲篇
詠惟僧助塵凡與俗分明朝又東樞因得識吾文問
陳謨九日遊靈山寺簡同游高車馬欄輝光登臨向上
方嶺雲翠舉峯直引路萬松蒼蒼底蒲茸白蘿根栗葉黃
爽猶宜羽扇晴復麗羅裳縹緲雲間峻碧澗水香棟梁
花明亂草好鳥隔幽篁漸近仙宮城俄聞洞水香棟梁
何峯翠金碧涵輝煌建溪茶獅石歸壑迴象欲狂鯉魚新
上水靈鼠舊依蒼石筍何年長迤邐此日荒鐵船歸湘
海方竹壓蕭湘瀑散時空雨林含伏日霜行雲走神女
臥鉢隱龍王一紀長離亂叢林半在亡如何超劫劫獨
此見堂堂喜挹清河彥兼承入幕郎風流同茂宰翺詠
及重陽杯紫浮英烈賦虛插桂芳高僧慣賓客才子盛
文章壁怪前題漫游疑後日忘少陵多秀句偏在贊公
房

圓覺寺在興國縣塘石邨唐貞觀時建名天花山圓覺禪院宋易名感化

國朝康熙閒知縣黃惟桂復舊名院宇幽靚庭中古檜二

株蒼翠翔舞

謝志縣志

延壽寺在興國縣新邨唐太和二年建明洪武閒修寺有巨鐘景泰元年鑄

國朝嘉慶七年重修

謝志縣志

普惠寺在興國縣西南里許唐中和二年建舊名西禪元末燬明洪武四年重修改今名

國朝乾隆四十四年修道光十二年邑人何茂賓等重修

謝志縣志

三壇寺在興國縣西門外南唐時建號西山寶勝永泰

院宋治平中改今名元僧用和再修縣尹陳文彬董成之明洪武萬厯間先後修

國朝康熙三十五年重建乾隆二十三年四十八年相繼

修

謝志
縣志

大鳥山寺因山得名在興國縣有三仙殿鄒南泉題額

曰重蜡報功

謝志
縣志

朝陽庵在興國縣下黃嶺嶺高數里皆茶漆杉竹其上

曰上黃嶺庵曰白蓮

謝志

六祖寺在會昌縣北舊名梵行院唐開元間僧應珠建宋瀉熙中僧空谷重修易今名明洪武五年僧無礙成化十七年僧性暉相繼修上建觀音閣左有六祖堂大觀亭後圯

國朝順治初僧如響募修康熙五十三年知縣黃鶴再修

謝志
縣志

仰山寺在會昌縣南七里犁塘唐開元閒建明宏治八

年重修

謝志

南禪寺在會昌縣鎮湘門內宋宣和中建明成化二十

一年僧洪福修後燬

國朝順治六年僧遠慈卽故址建小庵嘉慶二十四年重

建門題南禪古寺

謝志
縣志

蕭巖寺在會昌縣蕭帝巖明永樂閒重建巖有憑虛閣

石倉石關牀洞清渡五勝

謝志
縣志

大明寺在會昌縣大明巖明嘉靖閒建旁有水簾

謝志

竹林寺在會昌縣南與護生庵並峙明天啟六年建

國朝康熙元年僧真慧重修

謝志

智勝禪院在會昌縣卽漢仙巖寺明隆慶四年僧明圓

建

謝志

慈忍禪院在會昌縣承鄉芙山舊院久圯

國朝順治八年郡人姚騰章重建復構藏經閣鑄銅佛

謝志

大興寺在安遠縣西古田坊卽古無爲寺唐長慶四年

建元大德二年修後燬明洪武九年重建宏治四年修

後殿嘉靖四十五年知縣李多祚邑人藍顯梓重建改

今名

國朝康熙二十年僧普福改建乾隆十一年邑人捐修

謝志

縣志

妙相寺在安遠縣版石堡唐長慶四年建元大德四年

修至正間燬明永樂十四年重建成化二十二年修久
圯

國朝康熙八年重建

謝志

海印寺在安遠縣上濂坊宋祥符九年建明天順六年
宏治六年相繼修

國朝咸豐八年燬同治八年復建

謝志

慈光寺在安遠縣龍泉堡宋治平初建元末兵燬明宣
德間重建成化十八年僧萬金改建

謝志

相印寺在安遠縣太平堡宋崇甯二年建元大德二年
修久燬明永樂間重建

謝志

淨業寺在安遠縣里仁堡宋崇甯二年建元元貞元年
明天順二年重建

方廣寺在安遠縣龍頭堡宋紹興四年建元大德二年修至正間燬明宏治五年重建

國朝乾隆十年復修

謝志縣志

廣法寺在安遠縣龍安堡宋紹興十一年建元至順二年修至正兵燬明天順六年重建

謝志

東林寺在安遠縣太平堡宋乾道四年建元皇慶元年修後燬明正統初重建宏治元年修

國朝康熙四十九年邑人魏從賢重建

謝志

文林禪院在安遠縣西門外明崇禎間邑人唐邦教建

謝志

西來庵在安遠縣修田坊明崇禎間邑人杜欽聯建

謝志

東山寺在龍南縣東門外舊名梵安院南唐昇元中建

元至正間修明洪武二年增修萬厯五年知縣王繼孝修葺正殿爲祝聖道場今仍之崇禎九年拓縣城圍入拱翠門內寺中有鼎非銅非鐵有古鑪覆西南隅半入地中不能起有鐘世傳爲飛來鐘

國朝道光中邑人劉禱祖陳煥重修

謝志縣志

西山寺在龍南縣上西門外宋紹興間建淳祐三年重建元末廢明正統七年修復成化十五年道士繆執中易爲觀嘉靖四十五年火僧丹溪復建寺崇禎十五年建準提閣

國朝康熙五年知縣朱臨改建山門題曰西山寺十年準提閣火十五年燬十九年僧寂明等相繼修

謝志縣志

演教寺在龍南縣東南五里宋泊平二年賜額演教院

明洪武七年重修改爲寺

謝志

塔下寺在龍南縣南五里南唐保大間建寺廢塔存縣以爲鎮明天順間知縣謝澤修宏治十三年主簿梁悅重修復建觀音閣廢塔亦頽圯

謝志

化城寺在長甯縣黃鄉堡距縣七十里寺有鐘不叩自

鳴可卜休咎

謝志

迴龍寺在長甯縣城南絃歌門外平岡迢遞環城垣如

迴龍左顧康熙三十四年知縣朱騰蛟重建

謝志

密煙寺在長甯縣東四十里鄆鄔堡

謝志

金蓮庵在長甯縣東廂僧元籌建

謝志

九雲庵在長甯縣東二十里卽九碓嶺

謝志

東禪寺在定南廳東城外舊名德化明隆慶五年知縣

陳時範建爲祝聖道場萬厯九年知縣劉世懋修改今

名

謝志

神仙庵在定南廳橫江堡神仙嶺創於宋元末燬明萬厯九年知縣劉世懋建鑄真武神銅像

國朝順治十二年知縣祝天壽重建康熙二十年知縣林

訖孕修

謝志

瑞雲庵在定南廳東一里卽舊關侯廟明萬厯十二年

知縣章瑩施鐘僧真元募建

謝志

上壇觀在贛州府城東建春門外壇前街晉永和中建明正德嘉靖閒道士張存道重修

國朝道光五年吳思瑜倡修

謝志府志

玉虛觀在贛縣貢水東唐開元中建世傳劉真人繼先

煉丹於此并浚井五今尙存二一爲本觀井一爲靈泉并其水清冽可以療疾內有丹臺古蹟宋治平中賜今

額

謝志

景德觀在贛州府城北卽今景鳳山真武廟南唐時建元道士田純靜修煉於此

謝志

紫霄觀在贛縣宋政和中建明正德十二年重修嘉靖中道士鍾曉初等重建

謝志

至德觀在贛縣文潭嶺宋邱真仙創觀修煉至和中有方士畫墨鵲於堂觀有銅龍五今失其一明嘉靖十四

年里人譚顯達修內有龍巖歲旱禱應

謝志

光孝觀在贛縣城東擢秀坊號古度山

謝志

太霄觀在雩都縣卽斗巖唐貞觀中建

謝志

青真觀在雩都縣青塘里宋李山爲岳飛裨將從征固石過青真戲發一矢貫殿角螭吻迄元猶存蓋鐵箭也其題壁有神武後護軍領統制李山遵少保命恭奉朝旨指揮埽蕩一方之寇駐軍此觀忽聞異香念真像所居不欲焚燬云云殿下有龍窟窟上石像背通一竅氣吐濛濛深數百尋探之不窮

謝志縣志

奉真觀卽南山觀在信豐縣南一里唐大中元年建於青圃後遷九日岡宋開寶間邑令李禪遷今所內有鳳凰井泉脈通石鼓潭出金鯽魚

謝志縣志

治平觀在興國縣西門外晉太康元年建堯山堂外紀稱葛洪過興國鑿池洗藥俗傳卽此地舊有吹簫臺已廢前有井號葛洪井今觀內不奉葛洪而祀康保裔

國朝同治七年邑人重修

謝志
縣志

長春道院在興國縣城南金雞冠嶺元末縣尹陳文彬

修葺居蒲衣道人於此有幻寓室葛藤窩清碧亭

謝志
元

劉崧記古遺世長往之士恆有休憩修習之所彼豈擇而取之哉感化而冥合聞風而景從蓋有非偶然之故者若今長春道院之建是矣方之外有蒲衣道者曰方邱生蚤遊臨川吳文正公之門既而師事李西來於武夷山學全真之學西來者故金蓬頭之高弟子也久而去之居龍虎聖井山之天瑞庵又去之浮遊江湖見東魯能仁叟參明性命一致之要其說與金契復歷叢林究竟宗旨後得安成之武功山築室其巔若將終身焉一日忽棄之去眾咸駭之未幾兵起武功燬去而之豫章又將歷崢嶸踰梅嶺登羅浮以絕於南海其言曰吾教以清淨無爲爲宗旨以一瓢一笠爲身具昔有邱長春吾宗師者其教猶自北而南他日由贛之興國見令尹陳侯與語大奇之乃止之曰子雲水徒也一山一水無不可以遊息者何拘拘乎羅浮之求哉一日遊南郭登金雞冠嶺而眺望焉人云其下嘗爲鍾氏園曰芳口長春者安矣生聞而嘆曰茲長春遺議乎瓢笠之緣其有在矣時鍾氏有某者聞之卽慨然以其土施之侯乃卜日理基爲營宮室一時材植工徒之盛若川輪雲委

無不翕若中爲正殿祀天神者凡九楹高若干尺前抱
廣廊旁翼兩廡殿後爲堂曰會于一東爲小廳曰有何
不可又東爲小室曰幻寓西曰葛藤窩皆休息談燕之
所前東總爲高門榜曰長春道院兩山之崖薄以長垣
引以廣途帶以松竹蔚然深秀其院南少西數十步有
大池焉方廣數畝起亭曰清碧可臨可眺而爽乎其前
者則慈祐寺僧振遠之所作也振遠龐質而習靜類有
道行者而邑之名士曰羅君某尤以文辭著稱生與二
人造甚懽他日又將於殿之西作新祠設陳侯之像於
中爲己與二君立像於東偏以著一時會遇之雅志不
忘焉夫鍾氏之圃池固嘗盛矣然卒淪棄爲無用之地
一旦起而棟宇之其名稱之符雖若適然而陳侯營創
之功要不可泯矣昔顏魯公爲撫州刺史凡屬內名山
仙宇如麻姑壇記皆爲之大書深刻於石故五六百年
莫敢有廢之者生之昔夫而遠游其所得於生並異人
之餘論宜不得而遠隱矣來者因是有問焉則長春之
教所以演於東南而倡於興國者其在茲乎又詩曾
騎黃鶴下青山又德長春候紫閣激水月明花首首武
功去散草斑斑獨攜竹杖尋仙去開著蒲衣
採藥還翠壁月書如可訪石門錢鎰定高舉

天真觀在會昌縣南駝峯元初建久廢明洪武間重建
又燬於寇永樂十五年守禦所李茂復建正統六年道

會劉雪文修

國朝康熙五十年道士胡吉佩增建

謝志

高明仙院在會昌縣南三十里曾坊嶺明永樂中建

謝志

靈寶觀在安遠縣濂江坊宋淳熙十四年邑令王潛建

國朝乾隆十年合邑捐修咸豐十年燬

謝志
縣志

崇貞觀在安遠縣城隍廟左明景泰間建名崇真祠後

改爲觀

謝志

明德觀在龍南縣舊名程龍觀爲魏真人修煉之所唐

大中十三年建宋咸平元年真宗賜御書一百二十卷

紹興間燬清祐二十年重建元至正十八年兵燹廢

謝志

龍虎觀在龍南縣西南二十五里舊名銀缸廟元天曆

二年大旱道人鍾玉泉往程龍觀迎龍虎真人像祀於

中庭遂大雨改名龍虎觀

謝志

石清宮在長甯縣三十里滋溪

謝志

西華觀在定南廳西郊西華山麓明萬曆十二年知縣

章瑩倡建

謝志以
上贛州府

崇福寺在甯都州治南狀元坊晉永和中建名寶林後

改安國至宋大中祥符賜今名寺有八院有佛塔藏經

閣今寺燬閣存

謝志

國朝魏禮復建藏經閣序陽都

宋改爲安國梁天監唐大中南唐保大皆遷修之宋真

宗大中祥符賜名崇福寺寺有八院有佛塔藏經閣左

右鐘鼓樓天王殿於邑之佛舍爲鉅慶歷元祐重修之

元至正又修之正德戊寅廢寺遷學宮於其地萬曆開

復爲寺改名龍興今邑人故稱崇福寺也庚寅城破寺

燬鐵佛高數丈露處於野有營持者感佛夢倡復興之

舉然其所建復者惟佛殿及東西僧房香積廚而已皆

承嗣不逮昔十分之一而前後廢址存者多焉殿後之

廢址昔之藏經閣也至僧某念寺之不能復昔其僅存

者猶闕然欲且建閣以藏經又念邑人財屈爲甚惻然

思涉江南北至於京師句有力大君子請予題其首
吾觀斯寺之衰興而至今存豈非以成者不可得
子孫必移之之改與故雖一寺之微歷千三百有五
十年異制修之興之者不乏如此夫以燭福之說林誘
人愚民所尊尚君子不屑道也然而漢唐宋之寶玉器
玩世代書畫之名蹟聖賢豪傑時人之廢墟故地必樹
碑焉識之而實藏之不忍棄豈非以其物之至久物有
精焉而欲存之傳之邪今夫斯寺也僧自晉矣時廢
闕矣前之人興其發補其闕矣今之君子何獨不然
故少康之復夏衛文公之復衛此子孫之心而廢與齊
桓之功多也僧者佛之子孫有能勤勤焉思守其一
不致失舊蹟艱難以求底於成此其志蓋可嘉矣而
是佛者乃不能自顧金之寓形見夢於人斯其庇蔭
不亦寡與寺處闕餒飯行腳僧僑逆旅客寓人士時託
之焉則又非徒欲存其舊而不廢之之意也僧以堅苦
之志諸君子必嘉與之而助其成藏經閣之復建猶其
一指乎

青蓮寺在甯都州西蓮花山晉青蓮禪師建歷千餘年

棟礎尙存寺多奇蹟

國朝康熙五年重修

謝志 魏際瑞重修蓮花山古寺序
予蒞贛九年每夜行屬邑其開山川

林壑之勝遊歷殆徧鎮屬邑十二而文物則在陽都陽都林壑最名勝者又莫如金精所謂天下福地三十六者也金精極奇秘然於邑之地脈風氣則無係焉邑地脈之發始者曰蓮花山在縣西南距城三十里而近其別出一枝更西南三百里而遙者爲雲都之祖龍山與贛士大夫交多陽都留子庭聞與其仲季青蔡麗天爲真且久間嘗論山川靈異之迹諸留子曰蓮花山者吾邑之積高與東之武頭相峙萬仞而武頭爲江西縣會之祖名勝無間反不若蓮花之多奇足以自著蓋其先大夫讀書於此故知之視土人爲獨詳也山有寺寺創於西晉釋氏所謂青蓮祖師者始之歷千數百有餘年而棟礎猶具不可謂不奇矣丙午春山僧某從青衆麗天於贛因復告曰千數百餘年之寺今欲圯是非僧所能爲也蓋告諸大君子乞其一言留子以爲子子謂贛屬當兵盜饑饉之後衣食不完者十室而五修寺或非所急然嘗聞范文正公守杭時方大侵公乃勸民營佛室盛作土木富家曰費不貲而窮民存活乎他郡亦足以觀君子之用心矣留子言古蹟有八最奇者爲甘露柏青天無雲每零然雨晦則亡之曰釵股鐘鐘鑄輒敗缺有女子投釵於冶而成之釵著鐘肩金燭然如初製也又曰立寺時木柳千數百年只在椎剝爲魚形鱗鬣者其紋不存又曰四郊盡梅蓮花三峯無雲時雨不得降赤日如炬其氣漸於芙蓉之頂則涉溪寺致焉又曰山之溪澗雨潦不赴壑而東北十一里洞如爽曰

水於是出之又曰千仞之上有龍潭焉潭當佛生之始
激水以滌宮然則山不可謂不奇寺亦不可以不修矣
夏四月予以行役一宿金精而蓮花則未能至也天下
好奇好古者固不乏人而風氣所係居是邦者是宜加
之意矣

永甯寺在甯都州城文明門外第一橋左明萬厯二十
年建寺後建塔一座高九級

謝志

東昇山寺在甯都州城東石塘里明萬厯閒里人葉古

狂建

謝志

普滿寺在甯都州城北平田邨前有二石如龜及浮洲

環帶溪上後枕鐘鼓山松竹叢蔭近廢爲民居

謝志

歸仁禪院在甯都州城歸仁里松濤徹雲中隱佛閣

謝志

東山寺在瑞金縣北一里舊名淨眾寺祀定光佛唐天

祐中建明正德十二年邑大旱王守仁辦賊至此爲民

步禱甘霖立沛乃命有司致祭寺前爲迎春祀句芒神
所明季燬僧海玉重建

國朝乾隆元年門圯僧懷陸等修嘉慶十七年僧書亮建

靜室三楹顏曰辟塵離垢之居

謝志
縣志

勝因寺在瑞金縣西一里唐開元初建明萬曆七年重

修

謝志

南塔寺在瑞金縣南一里舊名南山智覺院宋建元大
德五年僧晴空建佛塔七層因名明嘉靖二十五年燬
四十一年塔圯

國朝康熙閒僧莖林重建乾隆元年僧日雲重修并興復

常住十八年建客堂

謝志
縣志

龍珠寺在瑞金縣西南五里明萬曆三十年知縣堵奎

臨建前爲龍珠塔故名中有堵公井放生池

國朝雍正初僧照亮重建

謝志縣志

文興寺在瑞金縣東南五里明萬歷四十五年知縣潘

舜歷倡建

謝志

羅源庵在瑞金縣南十五里

一作十里

本爲古刹僧仰山住

此習靜改名仰山有龍虎二井塞其一嶺有祖師石龕

已廢

謝志

東禪庵在瑞金縣北四十里邦坑

謝志

國朝楊光鳳

邦坑地僻在萬山中複嶺疊嶂林木陰翳其人椎魯耕

壠之外無他營明萬歷丙申歲僧演宗來自萬安結廬

於此顏曰東禪庵蓋志於幽棲以視世之趨附市塵捷

徑要近者有閑也演師自建有此庵崇飾棟宇置買田

山積日累功一株一粒皆從手足賸貲中出則其生平

精勤之力敦僕之行又與世之游惰求索者天壤懸隔

也傳歷數代近八十餘年法裔繩繩能守其業日俟而

大之演師之貽澤遠矣予少時頗好遊覽足迹雖不及

方隅以外而窮崖邃谷每不憚登陟曾一至東禪庵經宿而去彼時至僧與予兩不相辨識迄今幾二十年矣而演師裔孫成隱乃以東禪顏末求記於余或謂佛既空諸所有更何有於梵字之建立蓋佛以宏願廣度眾生必使眾生因他佛以見此佛故見千萬億身徧諸塵刹其學佛者亦事千萬億身莊嚴法界自漢晉以降九州五嶽之內名山佳勝之境巍然峻宇何可紀極下至一邱一壑翦翦茅燒鐫煨芋以爲自利利人皆佛之所許而人亦無敢訾也今演師之於東禪建庵計費若干置田山費若干海鏡寂偉成隱照貞等購置氏山岡以益常住計費若干一者勞苦筋力創造於前次亦克自振拔不忘先訓相承於後其功正侔兩者皆足傳也演宗祖孫常亦在哉筆之例也成隱號邁庵東禪薤染繼爲笑山高足過庵每代倡老人諄諄警策沁入心腑於其請因儼然於二十年所見之東禪而并記之以此

永福寺在石城縣西門外一里宋大中祥符五年僧月峯建元廢明洪武二年僧傳結庵永樂成化間增修謝志海藏寺在石城縣西十里宋元豐間建

國朝順治十七年邑紳士募建寺居深谷中左有一瀑夏

秋長流小魚百數遊其下水簾石壁閒僧智犁鐫琴水

奇觀四字

謝志縣志

蓮花寺在石城縣北十里明萬曆三十六年僧海鳳建

寺居叢山形如蓮花故名

謝志

金口寺在石城縣治西龍門書院後明萬曆閒僧海鳳建

國朝順治六年火十三年知縣郭堯京重建改名華峯寺

康熙十三年僧通宗增建

謝志縣志

內宮禪院在石城縣西三十里宋大中祥符八年僧派清建建炎二年遷於北門外小溪右瀉祐庚戌進士巫雙瑞尙理宗公主世亂賜歸籍夫婦奉佛於此得名元至正十二年寇燬明洪武元年僧明海重建永樂七年

僧澄清修正統十四年寇燬景泰六年僧道正重建嘉

靖四十年燬

謝志
縣志

寶福院在石城縣東南隔溪寶福塔之下宋大中祥符
建大觀四年僧應可修元燬明洪武三年僧明海重建
國朝順治十二年知縣郭堯京修乾隆十六年知縣馬尹

奇重建

謝志
縣志

法林院在石城縣長樂邨元至大間僧濟建明洪武十

二年僧常清修景泰四年增建圓通閣

謝志

太元觀在甯都州東門外唐貞觀中創明洪武初重建

謝志

集仙觀在甯都州北門外唐貞觀中創明洪武末重建

謝志

寶居觀在甯都州阜民門外唐大中閒建明洪熙宣德

閒先後重修

謝志

東明觀在瑞金縣治溪南

謝志

宋蘇軾詩浮金最好

頽遠兼流水韻雲瑤常馳步虛聲青鸞白鶴蟠空下翠草紫芝匝地生咫尺仙都隔塵世門前車馬任縱橫

太極觀在石城縣北二里許宋大中祥符閒有道士徐

繼先王霽祥於此飛昇其徒錢居簡修葺元末燬明洪

武十四年道士饒道元重建正統八年道士廖宏泰重

修成化十八年道士陳春常增修萬厯閒知縣江統之

重建

國朝雍正九年邑人改建

謝志

白玉觀在石城縣城西北隅舊名三寶觀唐天寶中建

元末寇燬徙建石上里白土邨改名白土觀明正統中

知縣鍾寶倡修萬厯中邑人陳師仲等重修改今名

謝志

縣志以

上甯都州

江西通志卷一百二十五